


~~1958-A~~
~~91/2~~



معارف وکالتی

تبلیغات مجموعه‌سی

تاریخ
۱۵ اگستوس ۱۹۲۷

صافی
۱۹

مندرجات

قانون

اجرا و کیملی هیأتی قرار

تعمیم

بروگرام

دولت خدمات و مؤسسانده عدم استخراجه قرار و بریلندر

مدیر انجمنی قرار

والت انضباط قومبولی قرار

تعمیم

معارف وکالتی نامنه ملی تعلیم و تربیه هیأتی نشریات شعبه‌سنجه ترتیب و نشر اولونمشدور تموز
۱۹۲۷ آبی ظرفنده تعمیم اولونان قانون، قرار، تعلیماتنامه و تعمیملری محتویدر .

استانبول — دولت مطبعه‌سی

۱۹۲۸

مجلس شورای ملی

مجلس شورای ملی

دوره
۲۱

شماره
۷۲۲۱

مجلس شورای ملی

مجلس شورای ملی

مجلس شورای ملی

مجلس شورای ملی

مجلس شورای ملی

مجلس شورای ملی

مجلس شورای ملی

مجلس شورای ملی

مجلس شورای ملی

مجلس شورای ملی

مجلس شورای ملی

۷۲۲۱

قانونلار

كفالت قانونى

[نشرى تاريخى : ۷ تموز ۱۹۲۷]

قانون نومروسى : ۱۱۱۳

برنجى ماده — دولت دوائر ومؤسساتنده نقود وعينيّات واضع اليد اولان مأمورين ومستخدمين ايچون كفالت متسلسله اصولى احداث وشخصيت حكميه يى حائز مأمورين كفالت متسلسله صنديقى تأسيس اولونمشدر . بو صندوق ؛ ماليه وكالنته مربوط اولوب معالاتى ماليه وكالنتجه تنظيم واجرا وكيللى هيئتتجه تصديق اولونه جق بر تعلباتنامه يه توفيقاً تدوير اولنور.

ايكنجى ماده — كفالت متسلسله صنديقنىك سرمايه سى :

آ — دولت دوائر ومؤسساتنده نقود وعينيّات واضع اليد اولان مأمورين ومستخدمينك ايكنجى آيدن اعتباراً درت آى مدته هر آى اصل معاش واجرتلرندن توقيف اولونه جق سكزده برلر ،

ب — درت آيدن صوكر ا بومأمور ومستخدمينك اصل معاش واجرتلرندن توقيف اولونه جق يوزده اوچلر ،

ج — ۹ نجى ماده ده ذكر اولونان جزالر .

د — صندوق سرمايه سنىك تميه سندن متحصل مبالغدن تركب ايدور .

اوچنجى ماده — دولت دوائر ومؤسساتنده بالفعل نقود وعينيّات واضع اليد اولميان بالعموم محاسبلرله محاسبه عموميه قانوننىك ۸۳ نجى ماده سنده مذكور معتمدر كفالت متسلسله يه تابع دكلدرلر .

دردنچی ماده — دولت دوائر و مؤسساتندہ نقود و عینیاتہ واضع الید اولوب کفالت متسلسلہیہ تابع طوتیلان مأمورین و مستخدمیندن ہرہانکی برینک حکماً تین ایدن ذمتی درحال صندوق سرمایہ سندن خزینہ مالیہ تادیہ اولونور . بو تقدیرده صندوق : ذمتدار مأمور و مستخدمک اولاً صندوقده کی مودوعاتنه و کافی کمدیکی تقدیرده سائر اموالنه مراجعت ایدر بوقیل مراجعت و دعوالر صندوق نامنه خزینہ مالیہ جه تعقیب و اقامہ اولونور .

بشنجی ماده — کفالت متسلسلہیہ تابع مأمورین و مستخدمیندن کفالتہ غیر تابع بر مأموریتہ تحویل و یا وفات ایدر نلر ایله دولت مأموریتندن قطع علاقہ ایدر نلر بری الذمہ اولدقلری تقدیرده مدت مأموریتلری ظرفندہ کی تودیعاعدن موجود مطلوبلرینک نصفی درحال کندیلرینہ و یا ورثہ سنہ اعادہ و ایکنجی نصفی دخی ختام مأموریتندن اعتباراً شخصی ظهور ایدر جک ذمتلرینہ قارشیلق اولق اوزره توقیف اولونور . اوج سنہ ظرفندہ ذمتلری ظهور ایتمدیکی حالده توقیف اولونان ایکنجی نصف دخی کندیلرینہ و یا ورثہ یه اعادہ ایدیلر .

آلتنجی ماده — دولت دوائر و مؤسساتندہ نقود و عینیاتہ واضع الید اولان مأمورین و مستخدمیندن تفتیشات و تحقیقات نتیجہ سنده حیالہ و دسیسہ استعمالی صورتیلہ ذمتلری تحقق ایدر نلر انضباط قومیسونلری قراریلہ درحال اخراج اولونقلہ برابر حقلرنده آریجه تعقیبات قانونیہ ده اجرا ایدیلر . بونلرک فعللری بالحاکمہ ثابت اولدینگی تقدیرده ادای دین ایتسہ لر بیله مؤبدآ دولت ایشلرنده استخدامدن ایتم و ارامل حقوقی محفوظ قالمق شرطیلہ تقاعد حقوقندن محروم طوتیلرلر . آنجق عادیاً ذمتدار اولانلر حقندہ قانونی جزانک احکام مخصوصہ سی دائرہ سنده معاملہ اولونور .

یدنچی ماده — اوجنچی ماده ده ذکر اولونان محاسبلرک زمان اداره حسابلرنندن دولایی اصولنه توفیقاً و یا دیوان محاسبات اعلامیلہ و معتمدلرک اصولی دائرہ سنده کوریلہ جک حسابلری نتیجہ سنده عہدہ لرینہ ترتب ایدر جک ضمان ؛ معاش و یا اجرتلرینک ثلثندن ولدی الایجاب صائلماسی مجاز ماللرندن استیفا اولونور .

سکزنجی ماده — یوقاریده کی ماده ده مذکور محاسبلر ، معیتلرنده کی نقود و عینیاتہ واضع الید اولان مأمورین و مستخدمینک یدامانتلرینہ مودوع نقود و عینیاتی مالیہ و کالتنجه تنظیم قلنه جق تعلیماتنامہ یه توفیقاً تفتیش و مراقبہ یه مجبوردرلر . مراقبہ وظیفہ لرینی تعلیمات دائرہ سنده ایفا ایتمہ مکدن دولایی بر ذمت و یا اختلاس ظهورینہ میدان ویردکاری ثابت اولان محاسبلر درحال اخراج اولونورلر .

طقوزنجی ماده — نقود وعینیاتہ واضع الید اولان مأمورین ومستخدمین معاشاتندن اوکفالت قارشیلغنی میعادنده قطع واعظمی برآی ظرفنده کفالت صندیغنی حسابنه تأدیہ ایتمین محاسبلرک جزاء ربع وتکرری حالنده نصف معاشلری قطع ایدیلهرک صندوق حسابنه ایراد قید اولونور.

اوننجی ماده — کفالت صندیغنی سرمایہ سی هردرلو رسوم وتکالیفدن مستثنا اولدیغنی کبی بوصندوقده کی مودوعات اصحابک بوقانون خارجنده کی دینلری ایچوندہ قارشیلق اتخاذ وحجز ایدیلہ مز .

اون برنجی ماده — ضابطان ومأمورین ومنسوبین عسکریہ دن نقود وعینیاتہ واضع الید اولانلر بوقانونہ تابع اولمایوب حقلرندہ قوانین ونظامات عسکریہ احکامی تطبیق اولنور .
ماده موقته — بوقانونک نشری تاریخنده مستخدم بولونان نقود وعینیاتہ واضع الید مأمورین ومستخدمین حقنده ایکنجی مادهک (آوب) فقرہلری تطبیق ومأمورین ومستخدمین ایله محاسب ومعمدلرک قانونک نشری تاریخندن اولکی زمانہ عائد حسابلری اصولنه توفیقاً بالرؤیہ ذمتی اولمیانلرک موجود کفالتلری نہایت برآی ظرفنده اعاده وکندیملرینک ویا کفیللرینک ماللرینه موضوع حجز وار ایسه فک ایدیلیر . بومأمورلردن حساباتک رؤیتی نتیجه سنده ذمتی ظهور ایدنلرک کفالتلری محافظه وکندی وکفیللری حقنده احکام سابقہ دائرہ سنده معاملہ اولونور.

اون ایکنجی ماده — ۲۶ کانون اول ۱۹۲۵ تاریخلی کفالت نظامنامه سیله تعدیلات ومذیلاتی وپوسته وتلغراف مأمورلرینک کفالت متسلسلہ یه ربطی حقنده کی ۲۲ مارت ۳۳۰ ۲۸ مایس ۳۳۱ و ۱۹ تموز ۳۳۱ تاریخلی اوچ قطعه قانون موقت احکامی ملغادر.

اون اوچنجی ماده — بوقانون نشری تاریخندن معتبردر.

اون دردنجی ماده — بوقانونک احکامنی اجرا وکیللری هیئت مأموردر.

۲۱ حزیران ۱۹۲۷

ایضاحنامه

۱ — اشبو قانونله ۲۶ کانون اول ۱۹۲۵ تاریخلی کفالت نظامنامه سی و مذیلاتی و پوسته وتلغراف مأمورلرینک کفالت متسلسلہ یه ربطی حقنده کی ۲۲ مارت سنه ۳۳۰ و ۲۸ مایس و ۱۹ تموز

سنه ۳۳۱ تاریخلی اوج قطعه قانون موقت احکامی الفا اولونارقی دوائر دولت و مؤسسانده یعنی دوغروندن دوغروبیه خزینیه مربوط مالصندوقلریله مؤسسانده و رومات و پوسته و تافراف اداره لرنده و دولته مربوط بالمعوم انحصار اداره لرنده مستخدم اولان وزنه دار، صندوق امینی، تحصیلدار و آنبار ماه ری کی، نقود و عینیاته واضع الید مأمورین و مستخدمین ایچون کفالت متسلله اصولی احداث و مالیه و کاتنه مربوط اولقی اوزره شخصیت حکمییه حیث بر مأمورین کفالت متسلله صندوقی تأسیس اولونشدر .

۲ — صندوقك سرمایه سی ؛ نقود و عینیاته واضع الید سالف الذکر مأمورین و مستخدمینك تعیینی تعقیب بدن ایکنجی آیدن اعتباراً درت آی مدله هر آی اصل معاش و اجر تیرلندن توقیف اولونه جق سکزده برلر و درت آیدن صوکر ا بو مأمور و مستخدم ملرا کذا اصل معاش و یا اجر تیرلندن هر آی رقیف اولونه جق یوزده اوچلرله دو قوزنجی ماده ده ذکر اولنان جزالر و صندوق سرمایه سنك تمیه نندن متحصل مبالعدن مرکب اوله بقدر . شو حاله کوره مثلاً بیک غروش معاشلی بر وزنه داردن درت آی بلا فاصله و مساویاً یوز یکرمی بشر غروش و بشنجی آیدن اعتباراً ختام مأموریتنه قدر ماه عام بو معاشك یوزده اوچی متسلل کفالت مقابلی اولارق قطع اولونه بقدر .

بو ماده حکمی الیم فعلاً مستخدم و نقده واضع الید مأمورینده شامل اولدیفی جهته اشبو قانونك نشری اولان ۷ تموز ۹۲۷ تاریخلی تعقیب آیدن اعتباراً نقد و یا عینه واضع الید اولان مأمورین و مستخدمینك معاشلرینك سکزده بری و بشنجی آیدن اعتباراً ده علی الدوام یوزده اوچی توقیف ایله آیریجه وقوعولاجق تبلیغات دکن اموات حسابنه آله جق و هیچ بر طرفه صرف اولونمیه رق محافظه اولونه بقدر .

۳ — دولت دوائر و مؤسسانده بالفعل نقود و عینیاته واضع الید اولمایان دفتردار، محاسبه جی، تحصیل مأموری و امثالی محاسب و مأمورلرله محاسبه عمومیه قانونك ۸۳ نجی ماده سنده آوانس آلابیله حکمی کوستریان معتمدلردن کفالت متسلله صندوقی ایچون توقیفات اجرا اولونمیه جفی کی بونلر بشته صورتلده بر کونا کفالت تابع طوتیلمازلر .

۴ — نقود و عینیاته واضع الید اولوب کفالت متسلله به تابع مأمورین و مستخدمیندن هر هانکی برینك ذمت و اختلاسی ظاهر رنده محاسلر ؛ درحال حقلرنده تعقیبات قانونیه توسل ایدهرک بونلرک حکماً تبین آیدن ذمتلری خزینیه بیلدیریلیر . خزینیه جه ؛ اختلاس و یا ذمته کجیریلان مبلغ صندوق سرمایه سنندن قاپاتیلیر . بو تقدیرده صندوق هیئت اداره سی ذمتدار و مختلس مأمور ایچون صندوقه تسویه ایدلمش اولان مبالغه صندوق نامنه تحصیلانی بالذات و یا بالواسطه تعقیب ایله مکلفدر . شو جهت ده نایان دقتدرکه ذمت و اختلاسی آکلاشیلان مأمورین و مستخدمین حقنده محاسبه عمومیه قانونك ۱۴ نجی ماده سی حکمنجه خزینیه جه ماللرینك فروختنی و یا آخر محله نقلی منه معطوف تدابیرك اتخاذ و اجرایی لازم کله جکشدن بو کی احوالده ایجابینك درحال اجراییله برابر کیفیتدن همان خزینیه ده معلومات ویرلمی مقتضیدر .

۵ — کفالت متسلله به تابع مأمورین و مستخدمیندن کفالت غیر تابع بر مأموریته تحویل و یا وفات ایدملرله دولت مأموریتندن قطع علاقه ایدملرک اصولاً رؤیت اولنه جق حسابلری نتیجه سنده بری الذمه اولدقلری تقدیرده مدت ۱۰ وریتلری ظرفنده کی نودیلرلندن غیراز محسوب موجود مطلوبلرینك

نصفی صندوق هیئت اداره سنک و قوعبولاجق تبلیغاتنه استناداً در حال کندیلرینه ویا ورتهلرینه اعاده اولونه جق وایکنجی نصفی ده ختام مأموریتندن اعتباراً او مأمورک دواته بشقهجه شخصی ذتی ظهور ایتمدیکی تقدیرده اوچنجی سنه نهایتده کندیلرینه ویا ورتهلرینه کذلک صندوق هیئت اداره سنک تبلیغی اوزرینه تأدیه ایدیه جکدر. شو حکم قانونینک تطبیقی تأمیناً وزنه دار و تحویلدارلرک و عینیاته واضح الید مأمورلرک بو کبی تحویل، انفکاک ویا وفاتلرنده مربوط اولدقلری محاسبلر طرفندن اصولاً تدقیق اولونه جق حسابلرینک نتیجه سیله بر ایله شیکلری اولدیغنه دائر تنظیم ایدیه جک مصدق جدول و مذکره صندوق هیئت اداره سنجه معامله لازم سی ایفا ایدمک اوزره خزینیه کوندریله جکی کبی اوچنجی سنه ختامنده او مأمورک زمان اداره سی معاملاتندن ذمت و ایله شیکلی اولوب اولمادیغی آریجه بیلدیله جکدر. صندوق هیئت اداره سنک اشعاری اولدیقه کفالت آقچه سی قسماً ویا تماماً اعاده ایدن محاسبلر تضمین یله مکلف طوتیلاجقی کبی حقلرنده آریجه انضباطی جزاده تطبیق اولونه جقدر.

۶ — دوات دواتر و مؤسساتنده نقود و عینیاته واضح الید اولان مأمورین و مستخدمیندن تفتیشات و تحقیقات نتیجه سنده حیل و دسیسه استعمالی صورتیه ذمتلری تبین ایدیه لر انضباط قومیسونلری قرار یله در حال مأموریتلرندن اخراج و حقلرنده بشقهجه تعقیبات قانونیه اجرا ایدیه لکنندن بوکامتعاقی تحقیقات اوراق و تفتیش راپورلرینک برر صورتی — او مأمور حقنده مأمورین قانونی موجبجه جزا تطبیقته صلاحیتدار اولان انضباط قومیسوننه تودیع ایدمک اوزره — محلی اک بوبوک مال مأمورینه اعطا اولونا جقدر. ذمتدار مأمورلرک حیل و دسیسه لری بالمحا که ثابت اولدیغی صورتده ادای دین ایتسه لر بیه مؤبدأ دوات ایشلرنده استخدامدن و حال حیاتلرنده تقاعد حقوقندن محروم طوتیلاجقلردر. آنجق وفاتلرنده ایتم و اراملنه قانون مخصوصنه توفیقاً ایتم و ارامل معاشلری تخصیص ایدیایر.

عادیاً ذمتدار اولانلر یعنی حیل و دسیسه استعمال ایتمکسزین مثلاً قبض و تأدیه ده ذهولاً نقصان ویا فضله آلوب ویرمک صورتیه ذمتدار اولانلر حقنده قانون جزانک مواد مخصوصه سی دائره سنه جزا تطبیق و صندوق حقوقنک تحصیلی ایچون محاکم عانده سنه مراجعت و اقامه دعوی ایدمک لازمدر.

۷ — نقود و عینیاته بالفعل واضح الید اولمیان محاسبلرک زمان اداره حسابلرینک رؤیتی نتیجه سنده و آوانس آلان معتمدلرک دخی هر هانکی زمانده تبین ایدیه جک ذمتلری معاش ویا اجرتنک ثلثندن ولدی الايجاب صایله مای مجاز ماللرندن استیفا اولونا جق و آرتق بو مأمورلردن کفالت آلمیه جفتندن محاسبلرجه، معتمدلره عائد حسابلرک اصولاً رؤیتیه ذمتدار اولدقلری ثابت اولدیغی تاریخندن اعتباراً بر آری ظرفنده و محاسبلره عائد حسابلرک ده دیوان محاسباتجه رؤیت و براتلرینه دائر اعلام اعطاسندن بر آری صوکره اولجه آلتان کفالتلرینک رفعی ایجاب ایدر.

۸ — محاسبلر معیتلرنده کی نقود و عینیاته واضح الید مأمورین و مستخدمینک ید امانتلیرینه مودوع نقود و عینیاتی هر آری ایکییدن دون اولماقی اوزره غیر معین زمانلرده تفتیش و مراقبه ایدیه جکار و کیفیت مراقبه یی وزنه آنباز دفتر یله تحویلدارلرک مفردات دفترلرنده — مشروحات اعطا و امضا وضعی صورتیه — توثیق ایدیه جکدر. وزنه، عینیات و تحویلدارلرک مفردات دفترلرینه نظراً موجودده بر نقصان کوردکاری تقدیرده کیفیتی در حال مافوق مقاماته بیلدیرمکله برابر حقلرنده تعقیبات قانونیه یه ده توسل ایدیه جکدر. محاسبلر بو وظیفه لرینی وقت و زمانیه ایفا ایتمه لرندن دولایی بر ذمت ویا اختلاسک

ظهورینه میدان و بردکاری، تفتیشات و تحقیقات نتیجه‌سنده آکلاشیلدیغی تقدیرده درحال مأموریتلرندن اخراج اولونا جقلردر .

۹ — قانونك ایکنجی ماده-سك (آ ، ب) فقره لرنده کوستریلن کفالت قارشیاغی اولان مبالغی میعادنده علاقه دارانك معاش و اجور اتندن قطع و توقیف و اعظمی بر آی ظرفنده کفالت سندینی حسابنه - آریجه تبلیغ ایدیلرک - بانقچه تودیغ ایتمین محاسبلرک جزاء ربع و تکرری حالنده نصف معاشلری قطع ایدیلرک صندوق حسابنه ایراد قید اولونه جقدر .

۱۰ — ماده موقته ده ذکر ایدلدیکی وجهله اشبو قانونك تاریخ نشرنده مستخدم بولونان نقود و عینیا نه واضع الید مأمورین و مستخدمین ایله نقده و عینه واضع الید اولمیان محاسب و معتمدلرک قانونك تاریخ نشرینه قدر اولان حساباتی اصول و امثالی وجهله بالرؤیه بر کونا ذمت و ایلشیکلرک بولونمادیغی ثابت اولدیغی تقدیرده کفالتلری نهایت بر آی ظرفنده کندیلرینه اعاده و کفیللرینک ویا کندیلرینک اموال غیر منقوله لرینه موضوع حجزلرک ایدیلرک جقدر . دیوان محاسباته حساب اعطاسیله مکلف اولان دفتر دار و محاسبه حیلر ایله مؤسسات محاسبلرینک کفالتلری زمان اداره حسابلرینک اصولاً رؤیت و برائتلری دیوانجه اعلامه ربط ایدلدکن بر آی صوکر ااعاده اولونا جقدر . محاسبلکدن ایوم قطع علاقه ایتش اولانلرک ده کذالك زمان اداره لرینه عائد حساباتک رؤیت و انتاجیله برائتلری اعلام ایله کسب قطعیت ایتدکنصکره بر آی ظرفنده اعاده اولنقی لازمدر . دیوان محاسبات اعلامیله ویا سائر صورتله ذمتدار عد اولنان محاسب و معتمدلر ایله وزنه دار ، صندوق امینی ، تحصیلدار ، آنبار مأموری و سائرک کفالت سندلری ذمتک استیفا سنه قدر اعاده اولونامیه جفی کبی کندیلرینک ویا کفیللرینک امواله موضوع حجز دخی فک ایتدیلمز . بناء علیه بعدما بو دائره ده معامله ایفا می و اشبو تعلیماتنامه نك لفا نسخ مطبوعه سندن سریعأ ملحقانه اسراسی توصیه اولونور .

..

کوچوکاری مضر نشریاتدن قورومه قانونی

[۲۱ حزیران ۱۹۲۷]

قانونه نومردسی : ۱۱۱۷

ماده — — تورک جزا قانوننک (۴۲۶ ، ۴۲۷ و ۴۲۸) نجی ماده لرنده ذکر ایدیلن مستهجن و حیا سزجه نشریات خارجنده اولوب اون سکز یاشنه قدر کوچوکلرک معنویاتی اوزرینه مضر تأثیر ایقاع ایدمچکی آکلاشیلان کتاب ، مجموعه و موقوف رساله لر ، رسم و لوحه لر آشاغیده کی ماده لرده کوستریلن اساسلر دائره سنده تحدیداته تابع طوتولور . اجنبی مملکتلردن اخال ایدیلن بوقیل مجموعه لر و اثرلرده بوقانونك احکامنه تابعدر . بالکنز بونلر ایچون اوچنجی ماده ده کی مجبوریت یوقدر .

ماده ۲ — بر اثر ك برنجی ماده ده ذكر ایدیلن تحدیداته تابع طو تومسی ایچون صلاحیتدار هیئتك او اثر ك كوچوكلر ایچون مضر اولدیغی حقنده بر قرار ویرمسی لازمدر . بوهیئت شو صورتله تشك ایدر :

آ — معارف وكالتی تعلیم و تربیه دائره سندن معارف وكالتی طرفندن انتخاب ایدیله جك ایکی ذات ،

ب — داخلیه وكالتندن انتخاب ایدیله جك بر ذات ،

ج — محررلردن و ادبیات منتسبلرندن مطبوعات جمعیتی طرفندن انتخاب ایدیله جك بر ذات ؛

د — معلملردن معارف وكالتنجه انتخاب ایدیله جك ایکی ذات ،

ه — حایه اطفال جمعیتندن انتخاب ایدیله جك بر ذات ،

و — حاكمك وظیفه سیله مكلف اولمایان وعدلیه وكالتنجه انتخاب ایدیله جك بر ذات . بوهیئت آنقرده معارف وكالتنده اجتماع ایدر . بوهیئتك قرارلری اعضانك اکثریت اراسیله تعیین ایدر . هیئت اعضاسنه هر اجتماع ایچون معارف وكالتنجه تعیین ایدیله جك مقدارده حق حضور ویریلیر .

هیئت قلم معاملاتی تعلیم و تربیه دائره سی واسطه سیله جریان ایدر .

ماده ۳ — بر اثر ك بو قانون نقطه نظرندن تدقیقنه هیئت صلاحیتدار اولدیغی کبی رسمی مقابلر ایله حایه اطفال ، معلملر برلكی ، هلال احمر و مطبوعات جمعیتی هر هانکی بر اثر ك تدقیقنی ایسته یه بیلیر .

ماده ۴ — هیئتجه تدقیق ایدیله رك كوچوكلرك معنویاتی ایچون مضر اولدیغنه قرار ویریلن كتاب ، مجموعه و موقوت رساله لك اسملری بر لیسته حالنده معارف وكالتنه تودیع اولونور . بولیسته نك صورتی معارف وكالتندن عدلیه وكالتنه كوندریلیر و بو طریقله مدعی عمومیلكلره تبلیغ ایدیلیر . لیسته یه داخل اولان اثر لك صاحب لرینه اك بویوك ملكیه مقابلرنجه تبلیغات یاپیلیر . بو تبلیغات اوزرینه اثر صاحب لرینك اللرنده موجود اثرلرینك ایلك صحیفه لرینه « تحدیداته تابعدر » دامغاسنی وورمالری مجبوریدر .

بو صورتله دامغالانان اثرلر :

آ — آچیق سر کیلرده ثابت و سیار موزعلر طرفندن صاتیلاماز ،

ب — دکانلرده ، جامکانلرده شهر ایدیله من ،

ج — بر بردن دیگر بریره تشهیر مقصدیله آجیق بر صورتده نقل ایدیله من. موزعلر طرفندن بونلر ایچون سپارش قبول اولونا ماز ،

د — دیگر غزته و مجموعه لرله ، دیوار و آل اعلانلریله و یادیکر صورتلرله اعلان ایدیله من ،
ه — کتابجیلر طرفندن کوچوکاره کوستریله من . پارا مقابلنده ویا پاراسز اولره ویریله من و هیچ بر صورتله مکتبلره ادخال اولنه ماز .

ماده ۵ — بر مجموعه ویا موقوت رساله یه بو ماهیتده اولدیغنه هیئتجه قرار ویریان بر مقاله درج ایدلدیکی تقدیرده ایلك دفعه سنده مجموعه ویا موقوت رساله نك مدیر و صاحبنه معارف وکالتندن اخطار اتده بولونولور . ایکنجی دفعه اوله رق ینه بویله بر یازی درج ایدن مجموعه ویا رساله آلنی آی ایچون دردنجی ماده ده کی تحدیداته تابع طوتولوق اوزره لیسته یه ادخال ایدیلیر .

ماده ۶ — فکری ، اجتماعی ، علمی و بدیی قیمتی حازر اولان اثرلر بو قانونک شمولندن خار جدر .

ماده ۷ — کندیلرینه دردنجی ماده موجبنه تبلیغات یاسیلدیغی حالده اثرلرینی دامغاسز اولارق نشر ایدن اثر صاحب ویا طابع ویا خود ناشرلریله تحدیداته تابع اولان دامغالی و دامغاسز اثرلری بیله رك ساتان و بونلر اوزرینه سپارش قبول ایدن موزعلر و بونلری موزعلره ویرن طابع و کتابجیلر ، تشهیر و اعلان ایله ین کتابجی ویا دکابجیلر ایله غزته و مجموعه صاحب ویا مدیر مسئوللری یوز لیرایه قدر خفیف جزای نقدی ویا اوج آیه قدر خفیف حبس ایله جزالاندیریلیر . تکرری حالنده بویکی جزا برلکده حکم اولونور .

ماده ۸ — تورکیده طبع و نشر ایدیان هر ایکی کتاب و رساله و مجموعه لرك ایکی نسخه سنی محلی معارف دائره لرینه کوندرمه ین کتاب ، مجموعه ویا موقوت رساله صاحب و مسئول مدیرلری یکر می بش لیرایه قدر جزای نقدی ایله جزالاندیریلیر .

ماده ۹ — ایکنجی ماده ده ذکر ایدیان هیئتک قرارینه بر آی طرفنده وقوعبولان اعتراض شورای دولت عمومیه سنجه تدقیق اولونور و نتیجه یه قدر ایلك قرار حکمی معتبر عد ایدیلیر .

ماده ۱۰ — برنجی ماده ده ذکر ایدیلن اثرلردن هر هانکی برینک تدقیق ایدلمکده اولدیغنه و تحدید ایدیله جکنه دائر یومی غزته و مجموعه لر نشر یاتده بولونه ماز . بو نوع



خبرلری نشر ایدن غزته و مجموعه مدیر مسئوللری سکیزنجی ماده موجبجه جزالاندیریلیر.
اشبو قانونده یازیلی جزا صالح محکمه لرنبجه حکم اولونور .

ماده ۱۱ — بو قانون نشری تاریخندن معتبردر .

ماده ۱۲ — بوقانونک حکملرینی اجرایه عدلیه ، داخلیه و معارف و کیللری مامورلردر .

..

معارف ویز کیسی حقنده قانون

[۲۲ حزیران ۱۹۲۷]

قانونه نومروی : ۱۱۳۰

ماده ۱ — هرولایتده الملك تحصیل چاغنده بولومان چوجوقارک تعلیم و تربیه لری و خلق
درسیخانه لرینک تأسیس و اداره سی ایچون اختیاری ضروری اولان مېصرفلرک قرشباغی ایلك
تدریساته مخصوص عقارلر حاصلاتی و تبرع و معاوضتلرله برابر آشاغیده صاییلان واردات
منبعلرند . تأمین اولونور :

آ — عمومی ، ملحق و خصوصی بودجه لردن معاش ، تخصیصات و اجرت آلانلرک
[ایتم و ارامل خارج] آلدقلری مبالغ اوزرنده ایکی تقسیطده استیفا ایدیلرک
یوزده برلر ،

ب — مسای نسبتده اولمواوزره ولایت مجلس عمومیلرنبجه صایموقازانچ ویرکولرینه
یوزده الی به اراضی و مسنقات ویرکولرینه یوزده یکرمی بشه قدر طرح ایدیلرک کسر
منضملر ،

(آ) فقره سنده بیان اولونان معاش ، تخصیصات و اجوراتک قازنچ ویرکولری (ب)
فقره سنده کی کسر منضمه تابع دکلدر .

ماده ۲ — برنجی ماده نك (ب) فقره سنده کوستریان صایموقازانچ ویرکولرینه مجلس
عمومی قراریلر طرح ایدیلرک کسر منضملرک نسبتی یوزده اوتوزی والیوم آلتقده اولان
اراضی ویرکولرینه طرح ایدیلرک کسر منضملرک نسبتی یوزده یکرمی بی تجاوز ایلدیکی

تقدیرده فضلہ سنہ عائد مجلس عمومی قرارلری، داخلہ و معارف و کالتلرینک تکلیفی اوزرینہ، اجرا و کیللری هیئتینک تصدیقہ افتران ایتمک شرطدر .

ماده ۳ — ولایت مجلس عمومیلری هر سنہ ولایت داخلندہ آچیلمش و یا آچیلاجق ایلمک مکتبلرک دائمی و فوق العادہ مصرفلری یکوننہ یوزدہ اون ضم ایله مجموعندن برنجی مادہدہ بیان اولونان عقارات و تبرعات ایله (آ) فقرہ سندنہ محرر یوزدہ برلری تزیل و آرمان مصرفی (ب) فقرہ سندنہ کی بلا واسطہ ویرکیلرک ولایت داخلندہ کی صوک سنہ لک تحقیقاتی مقداری ایله نسبت ایدرک بو ویرکیلرہ اعظمی (ب) فقرہ سندنہ کوستریلن مقدارلرہ قدر ضم ایدلمک صورتیلہ طرحی ایجاب ایدن معارف ویرکوسی مقدارینی تعیین و تثبیت ایدرلر .

ماده ۴ — ولایتلرک دفتردار و یا محاسبه جیلری هر مالی سنہ نہایتندہ ولایت داخلندہ کی مکلفلرک مسققات، صایم، قارانج ویرکیلرینک آیر آیری تحقیقاتی یکوننی مقام ولایت واسطہ سیلہ مجلس عمومیلرہ ویرمکہ مجبوردرلر. بو ویرکیلرہ یاپیلہ حق ضملر مقدارینک تثبیتندہ تحقیقات یکونلری اساس اتخاذا ایدیلر .

ماده ۵ — کسر منضمملر اصللریلہ برلکده مالیہ و سائطیلہ تحصیل اولونور . اداره خصوصیلرہ عائد تحصیلاتدن، محلی مأمورین مالیہ سنہ اکرامیہ اوله رق توزیع ایدلمک اوزرہ، یوزدہ بری مالیہ جه آلیقونیلور .

ماده ۶ — مأمورین مالیہ طرفندن تحصیل ایدیلن معارف ویرکیسی حاصلاتی تحصیلی تعقیب ایدن آیک اونجی کوننہ قدر اداره خصوصیه ولایات امرینہ محلی زراعت بانکہ سنہ تودیع ایدلمک مجبوریدر . بلا سبب قانونی مدت معینہ ظرفندہ معارف ویرکیسنی اداره خصوصیه امرینہ تودیع ایتمهین مأمورین مالیہ دن یوزدہ دو قوز نسبتندہ ایام متأخرہ فائضی آلینیر .

ماده ۷ — ملکیہ و مالیہ مفتشلری و معارف امین و مفتش عمومیلری نظامات مخصوصه ایله معین صلاحیتلری داخلندہ اشبو قانونک تطبیقاتندن دولایی علاقہ دار مأمورلرک معاملاتنی تدقیق و تفتیش ایدہ بیلرلر .

ماده ۸ — داخلہ، مالیہ، و معارف و کالتلرنجه بوقانونک صور تطبیقیہ سنی مبین احضار اولونہ حق تعلیماتنامہ اجرا و کیللری هیئتی قراریلہ مرعی اولور .

ماده ۹ — اداره ولایات قانون موقتیله تدریسات ابتدائیہ قرارنامہ سنک تعدیلنہ دائر ۸ نپسان ۱۳۳۹ تاریخی و بونک بعض موادینی معدل ۲۸ شباط ۱۳۴۰ تاریخی قانونلرک

۱۳ نېسان ۱۳۴۱ تاريخ و ۶۱۶ نومرولى مکتب ویرکوسى قانونىك اشبو قانونه مېاين اولان احکامى ملغادر .

ماده ۱۰ — بوقانون ۱ حزيران ۱۹۲۷ تاريخندن معتبردر .

ماده ۱۱ — بوقانونىك حکملرىنى اجرايه داخلیه، ماليه و معارف و کيللرى مأمورددر .

..

ايلىك مکتب معلم و معلم معاونلىرىنه عاىد ۲۰ مایس ۱۹۲۶ تاريخلى قانونىك

ايکنجى ماده سینه برفقره علاوه سى حقنده قانون

[۲۲ حزيران ۱۹۲۷]

قانونه نومردسى : ۱۱۲۴

ماده ۱ — ايلىك مکتب معلم و معلم معاونلىرىنه دائر ۴۸۲ نومرو و ۲۰ مایس ۱۹۲۶ تاريخلى قانونىك ايکنجى ماده سینه آشاغیده کى فقره علاوه ايدهلشدر .

هرنه صورتله اولورسه اولسون خدمتى بش سنه يه بالغ اولامايان معلم و معاونلىرىندن مىلىك درسلىرى امتحاننده موفق اولانلر دىخى معلم عد اولنورلر .

ماده ۲ — بوقانون نشرى تاريخندن معتبردر .

ماده ۳ — بوقانونىك احکامى اجرايه معارف و کيللى مأمورددر .

..

معارف تشکيلاتنه دائر قانونىك اون آلتنجى ماده سىنى

معدل قانون

[۲۲ حزيران ۱۹۲۷]

قانونه نومردسى : ۱۱۲۵

ماده ۱ — ۲۲ مارت ۱۹۲۶ تاريخ و ۷۸۹ نومرولو معارف تشکيلاتنه دائر قانونىك

اون آلتنجى ماده سى آشاغیده کى وجهله تعديل ايدهلشدر :

سیغورطه بدلاری، اداره خصوصیه لرحه آچیلان ایلك یانی مکتب لری طلبه سنک تعلیمات نامه سی موجب نه اعاشه، الباس، اباته و لوازم درسیه مصرف لری؛

۵ - بالعموم کوندوز ایلك مکتب لری ایله اداره خصوصیه لره مربوط ایلك یانی مکتب لری نك قرطاسیه، متفرقه، تنویر، تسخین، لوازم درسیه مصرف لری ایله محافظه انتظام و نظافت ترتیباتنه عاڈ مصرف لری؛

و - معارف تشکیلاتنه دائر قانونك اون برنجی ماده سی موجب نه ایلك مکتب معلم و معلم معاون لری ایله ایلك تدریسات مفتش لری نه ویریه جك سکنایه بدلی؛

ذ - مدیرك ویاباش معلم لکده استخدام اولونان معلم و معلم معاون لری ایله تدریسات مفتش لری نه معارف تشکیلاتنه دائر قانونك (۱۳) نجی ماده سی موجب نه ویریه جك مقام تخصیصاتی؛

ح - معلم مکتبی مأذون لرندن ولایت ته تعیین ایدیلن معلم لره، معارف تشکیلاتنه دائر قانونك (۱۹) نجی ماده سی موجب نه بر دفعه یه مخصوص اوله رق ویریه جك البسه و تجهیزات بدل لری؛

ط - بالعموم ایلك مکتب لری ایله اداره خصوصیه مربوط ایلك یانی مکتب لری نك انشا و تأسیس مصرف لری، بو مکتب لره مقتضی عرصه لرك مبیاعه و استملاك بدل لری، علاوه و توسیع مصرف لری؛

ایکنجی درجه ده عادی و فوق العاده مصرف لری؛

آ - اداره خصوصیه لرحه آجیلاجق خلق و اکال مکتب لری نك بالعموم مصرف لریله معاشری؛

ب - ایلك مکتب معلم و معلم معاون لری نك مسلکی معلومات لری نی توسیع و اکال مقصدیله آچیلان قورسلرك مصرف لری؛

ج - مملکت داخل و خارجنده تعلیمات نامه احکامی داخلنده اجرا ایدیلن تدقیق و تتبع سیاحت لری مصرف لری؛

۵ - اداره خصوصیه لرحه آچیلان آنا مکتب لری معاش و مصرف لری؛

ماده ۲ - بو قانون نشری تاریخندن معتبردر.

ماده ۳ - بو قانونك احکامی اجرایه داخلیه و معارف و کمال لری مأموردر.

اجرا و کيللىرى هيأتى قارارى

باش وکالت

معاملات مديريتى

عدد ۶
۳۴۴۹

۱۶ تموز ۹۲۷

معارف وکالت جليله سنه

۶ تموز ۹۲۷ تاريخ و ۱۶۶۶ نومرولو تذکره وکالتپناهيلرى جوابيدر .
تورك تاريخى انجمنى حقنده تنظيم و توديع اولونان تعليماتنامه نك موقع مرعيتيه وضعيه
داثر اجرا و کيللىرى هيئت نك ۶ تموز ۹۲۷ تاريخلى اجتماعنده متخذ قرار اوزرينه تنظيم
ايدلمش اولان قرار نامه ايله مربوطى تعليماتنامه نك مصدق صورتلرى لفاً تقديم اولونمىشدر افندم

باش وکیل نامه

مستشار

کمال

قلم مخصوص مديريتى

عدد

۵۴۱۹

۶ تموز ۹۲۷

« قرار نامه »

« تورك تاريخى انجمنى حقنده معارف وکالت جليله سنجه تنظيم وبراى تصديق توديع
ايدلمش اولان مربوط تعليماتنامه نك مرعيتيه وضعى ، وکالت مشاراليهانك ۶ تموز ۹۲۷

تاریخ و ۱۶۶۶ نومرولو تذکره سیله وقوعبولان تکیلی اوزرینه اجرا وکیللری هیئتک
۶ تموز ۹۲۷ تاریخی اجتماعده تصویب و قبول اولونمشدر .

رئیس جمهور

غازی : مصطفی کمال

داخلیه وکیل	بحریه وکیل	مدافعه ملیه وکیل	عدلیه وکیل	باش وکیل
محمد جمیل بک افندی	احسان	رجب	محمد راسم بک افندی	عصمت
امضاد، بولونمادی			امضاده بولونمادی	
نافه وکیل	معارف وکیل	مالیه وکیل	خارجیه وکیل	
ص.ج	مصطفی بحالی	مصطفی عبدالخالق	درقنور رفیق رشیدی بک افندی	
			امضاده بولونمادی	
صحه و معاونت اجتماعیه وکیل	تجارت وکیل	زراعت وکیل		
درقنور رفیق بک افندی	مصطفی رسمی بک افندی	محمد صبری		
امضاده بولونمادی	امضاده بولونمادی			

تورک تاریخ انجمنی تعلیماتنامه سی

- ماده : ۱ — دارالفنون بناسی داخلنده ملی تاریخ طائد مساعی ایچون بر تورک
تاریخ انجمنی تشکیل ایدیلشدر .
- ماده : ۲ — انجمنک وظیفه سی بروجہ آتیدر :
- ا — ملی تاریخی تدوینہ خدمت ایدہ جک سیاسی، اجتماعی و فکری ہر نوع وثیقہ لری
طوپلامق ، تصنیف تنقید ، ترکیب ، و نشر ایتک ؛
- ب — غیر مطبوع تاریخی مهم اثرلر ایله وقعہ نویس تاریخلری اک دوغرونسخہ لره
کورہ علمی برطرزده تحشیہ ایدہ رک طبع ایلمک .
- ج — اجنبی لسانلرده یازیلش ملی تاریخ متعلق اثر ، مقالہ و وثیقہ لری تورکجه یه
ترجمہ و نشر ایتک ؛
- د — یکرمنجی واون دو قوزونجی عصر تاریخی تقدیمآ تدقیق ایلمک و تاریخ صیراسیله
تدقیقاتی اسکی دورلره دوغرو توسیع ایتک .

ماده : ۳ — ملی تاریخه عائد اولوب وکالتجه باصیلاجق اولان کتابلرک علمی قیمتی حقنده وکالتجه صورولاجق مواده جواب ویرمک، لیسه واورتا مکتبلر، عائد تاریخ کتابلری حقنده بیان مطالعه ایلک انجمنک وظائفی جمله سندندر .

ماده : ۴ — انجمن ، دائمی اون اعضادن مرکبدر . منحل وقوعنده لااقل اوج اعضانک اوزرلرنده اتفاق ایده جکری اسملردن مرکب برلیسته تنظیم اولونور . معارف وکالتی بو لیسته ده کی اسملردن برنی ترجیح ایدرک اعضا تعیین ایلر . انتخاب ایدیلرک نامزدک مساعی علمیه سی حقنده اوج ذات طرفندن احضار اولونان راپور هیئت عمومیه ده قرائت ایدیلر .

ماده : ۵ — تورک تاریخ انجمنه دائمی اعضا انتخاب اولونابیلرک ایچون آتیده کی اوصافدن برنی حائر بولونمق لازمدر . یا دارالفنون تدریس هیئته منسوب بولونمق ویا ملی تاریخه دائر تدقیقات تحریات و آثاری ایله معروف بولونمق .

ماده : ۶ — انجمنک ایکی اجتماعنده معذرتسز حاضر بولونمایان و انجمن قراری ایله کندیسنه تودیع ایدیلن وظیفه یی درعهده ایتمکدن استنکاف ایله یین ویا درعهده ایلدیکی وظیفه یی برسنه ظرفنده قسماً ویا تماماً ایفا ایتمین اعضا، موجود اعضانک اکثریت آراسی ایله مستعفی عد اولونور .

ماده : ۷ — انجمن رئیس دائمی اعضا میانندن و ملی تاریخه کی مساعی و نشریاتی ایله طائمش اولانلردن اکثریت آرا ایله انتخاب ایدیلر . رئیسک وظیفه سی انجمن اجتماعلرینه ریاست ایتمکدر .

ماده : ۸ — انجمنک برکاتب عمومیه سی واردر . وظیفه سی ، انجمن مقرراتی تطبیق واداری معاملات ایله مخبراتی تدویر ایله مکدر . کاتب عمومیلک ایچون انجمن اعضاسی میانندن ایکی نامزد آراه اولونور . معارف وکالتی بونامزدلردن برنی ترجیح و تعیین ایدر . کاتب عمومیلک مدتی ایکی سنه در . مدتی بیتن کاتب عمومی ، تکرار انتخاب ایدیلر . انجمنده مستخدم حافظ کتب و خدمه کیی مأمورلر کاتب عمومی به تابعدر .

ماده : ۹ — انجمن بالجمله وکالتلرله دوغروندن دوغرویه مخبریه مآذونددر .

ماده : ۱۰ — لیسه ، اورتا مکتب و معلم مکتبلری تاریخ معلملری انجمنک مساعیسنه یاردیم ایده جکری کیی ، انجمن طرفندن حواله اولوناجق مسائلی تدقیق و ملی تاریخه دائر کندیلری طرفندی باپیلان مهم تدقیقاتی انجمنه تبلیغ ایدرلر . انجمن ، مساعیسی

ایله تمیز ایدن بویکی معلملرک تلطیفلرینی معارف وکالتنه تکلیف ایدیلیر . بوقییل مساعی ایچین کرک انجمن تخصیصاتندن و کرک وکالت بودجهسی داخلندن علاقه دار معلملره نقدی مکافات ویریلیر .

ماده : ۱۱ — انجمن ملی تاریخده کی مساعیسی تقدیر ایتدیکی ذواته معارف ویا مخابر بر اعضالق توجیه ایدیلیر .

ماده : ۱۲ — دولت و بالخاصه معارف تشکیلات و مؤسساتی انجمنه وظیفه لرینی ایفا خصوصنده تسهیلات مخصوصه کوسته ریر . دائمی اعضا ، دولتک اوراق خزینهلرنده تدقیقاتده بولونمایا مآذوندیر . انجمن ، لزوم کوردجکه کتبخانه لرده بولونان قیمتدار و نادر آثارک عیناً ویا قسماً استنساخی تحت قراره آلابیلیر . مستنسخلره کتبخانه اداره لرینجه اعظمی تسهیلات کوسته ریلیر .

ماده : ۱۳ — انجمنک بر کتبخانه سی واردیر . انجمن تبرع و مباحعه صورتیه کتبخانه سی توسیع ایدمک و تاریخ تدقیقاتنده بولونانلرک مساعیسی تسهیل ایله یه حکدر . کتبخانه ده تدقیقاتده بولونمق ایسته یینلر ریسدن مساعده آلارق انجمن کتبخانه سندن استفاده ایدیلیرلر . کتبخانه ده ملی تاریخه طأد آثارک و نشر ایدیلن وثیقهلرک تام بر بیلیوغرافیسینی و تاریخه دائر استامپلرک بر قولکسیونی بولونماسنه چالیشاجقدر .

ماده : ۱۴ — انجمنک ایکی تورلو نشریاتی واردیر .

ا — (تورک تاریخ انجمنی مجموعه سی) نامیه دورت آیدم برانتشار ایدمک بر مجموعه ؛

ب — رسمی و ثائق کلیاتیه (ماده : ۲) ده تثبیت اولونان مواد .

ماده : ۱۵ — علمی نشریات ایچون انجمنجه تثبیت اولوناجق مقدارده حق تألیف

ویریلیر . مجموعه ده کی یاریلر فا کولته مجموعه لرینک تابع اولدقلری حق تألیفه تابعدر .

ماده : ۱۶ — انجمن آیدم ایکی دفعه اجتماع ایدم . اعضایه هراجتماع ایچون وکالتجه

تعین اولونان مقدارده حق حضور ویریلیر . معین اجتماعلر خارجنده واقع اولاجق فوق العاده

اجتماعلر ایچون حق حضور ویریلیر .

ماده : ۱۷ — اجتماعلرک ضبطلری بولتهن حالنده و مجموعه ایله نشر اولونور . انجمنک

بر سنه لک مساعیسی حقنده کاتب عمومی طرفندن اوقونان راپور مقام وکالته عرض ایدیلیر .

راپورده کچن سنه نک فعالیتیه کله جک سنه نک تصوراتی ایضاح اولونور .

متفرق مادهلر

ماده : ۱۸ — موجود تورک تاریخ انجمنی اشبو تعلیماتنامه نك تطبیقی تاریخندن اعتباراً ملغادر .

ماده : ۱۹ — انجمنك ایلک دائمی اعضاسی ایله کاتب عمومیسنی معارف وکالتی تعیین ایدەر . ایلک اجتماعده انجمن کله جك سنه نك فعالیت پروگرامنی ترتیب ایدەرک وکالته عرض ایلەر .

ماده : ۲۰ — ۱۴ تشرین ثانی ۱۳۲۵ تاریخلی عثمانی انجمنی حقنده کی تعلیماتنامه نك یو تعلیماتنامه ایله تعارض تشکیل ایتمه ین احکامی باقیدر .

ماده : ۲۱ — بو تعلیماتنامه نشری تاریخندن معتبردر .

ماده : ۲۲ — بو تعلیماتنامه نك اجراسنه معارف وکیل ماموردر .



تعمیمات

ملی تعلیم تربیه دائرہ سی

۲۷۷ عمومی

۳۲ خصوصی

موضوع: مکتبہ اردو، خاطرہ لر، حقنہ

اجتماعی بر مؤسسہ اولان مکتبہ لر محیط و مداوملری ایچون ماضیسی، مفاخری و عنعناتی اولان جانلی برر وارلق حالته کتیرمک مجبوریتندہ یز. بو اعتبارله هر مؤسسہ کندى تکامل و ترقیسنه خدمت ایدہ نلره، ملی جامعہ نک بویوکلرینه و کندیسندن فیض آلارق مملکت حیاتندہ یرطوتان ویا وطن ایچون أولن چوجوقلرینه محیطندہ برر خاطرہ کوشہ سی آیرمق مجبوریتندہ در. بونک ایچون مکتبہ اردو آشاغیدہ کی مادہ لر موجبہ خاطرہ لر طوپلانماسی تقرر ایتشد:

۱ - لیسه و معلم مکتبہ لرله یوکسک مکتبہ اردو او مکتب مآذونلرندن شمعدی یه قادار حربلرده شهید اولانلرک اسملرینی قیده مخصوص بر مرمر ستون ویا لوحه بولوندریلاجق و شهیدلرک اسملری تثبیت اولونارق مکتبک عمومی بر یرینه رکز و تعلیق ایدیلہ جکدر. بوایشک ۱۹۲۷ سنه سی غایه سنه قادار اکمال اولونمش بولونماسی لازمدر.

۲ - هر مکتبده او مکتبه خدمتی سبق ایدن مدیر و معلملرک فوطوغرافلری و هیکلری مکتبک عمومی سالوننه بولونمدينی تقدیرده مدیر ویا معلم اودالرینه تعلیق اولونا جقدر.

۳ - هر مکتبده او مکتبدن چیقوبده علم، فن عسکرلک ساحه لرندہ اشتہار ایدن ذاتلرک رسملریله قیصه ترجمہ حاللری طلبہ نک کوزی اوکندہ بولونابیلہ جک یرلره تعلیق اولونا جقدر.

۴ - مملکتک حیاتده اولمایان بویوک عالم وادیبلریله وطنه فضیلتکارانه خدمت ایتمش

ذواتك ، بويوك قوماندانلارك رسملىرى مکتىبك اجتماع سالونىنه ، زمان زمان قوریدوره
ويا طلبه نك كوره چكى يرلره قوناچقدر . بو صورتله كيملارك رسملىرى قوناچنى ومعين
زمانلرده طلبه يه بوقبيل بويوك آدملارك حياتلرينى ومملكتته اولان خدمتلىرىنى آكلاتمق
صورتيله اوللرده مملكتته يوكسك خدمت شوقنك ناصل اويانديرىلاچنى آريجه
يىلديريله جكدر . افندم .

۱۹۲۷/۷/۲ معارف و کیلی

•

علی تعلیم و تربیہ دائرہ سی

۳۷۸ عمومی

۳۳ خصوصی

موضوع: مکتب اسماعیلی حقیقہ

مکتبہ و بلیکدہ اولان اسمارک معین اساسلر دائرہ سندہ تثبیتی و برچوق قاری شیعہ لقلرہ
سببیت ویرہن نومرولی مکتب اسمارینک تعدیلی تقرر ایتمش و مکتب اسماری حقنہ
آئیدہ کی مقررات اتخاذ اولونمشدر :

۱ - نومرولرله يادا اولونان مکتبئر مثثنا اولاق اوزره اليوم موجود مکتبئر اسملرني عیناً محافظه ایدء جکلر در .

۲ - نومرولی مکتبلرله یکیدن آجیلاجق ایلك مکتبلر بولندقلری شهر ، قصبه ویا سمته اضافه تسمیه اولوناچقلردر .

۳۔ — اور تا مکتبلرله معلم مکتببری بولون دقلری شهر، قصبه ویاسمته اضافہ اولونا جقدر.

۴ — ايلك ، اورتا و معلم مکتبلرينك وطنه بويوك خدمت ايتمش اولان ويا مکتب ياپديرمش برذاته اضافەسى آنجاق معارف اميندكنك تكليفى اوزرينه وكالتجه ياپيلاييلير .

۵ — ليسه لرمزك اليوم حياتده بولونمايان نامق كمال، ضيا كوك آلب، امرالله افندی، صالح ذكي، ويدینلی توفیق پاشا، اسحق خواجه، كاتب جلبی، فضولی، شناسی و سلیمان پاشا، احمد و فیک پاشا، سلیم ثابت افندی و الخ کبی نسبت اولوندقلری مکتبه شرف و افتخار عنوانی اولایله جك ذواتك اسملریله توسیمی موافقدر.

۶ - بشنچی ماده موجبچه ایسهلره ویریله جک اسمار منطقه معارف امینلرینک تکلیفیه اورتا تدریسات دائره سنجه تثبیت ایدیلر .
ایفای مقتضاسی تعمیماً تبلیغ اولونور افندم .

معارف وکیلی ۱۹۲۷/۷/۲

∴

ملی تعلیم و تربیه دائره سی

۳۷۹ عمومی

۳۴ خصوصی

معارف امینلری اجتماعنده اتخاذ اولونان مقرر اتدن
موضوعه : بر مقدار اوبنک کوندولدیکنه دائره

بوسنه کی معارف امینلری اجتماعنده اتخاذ اولونان مقررات طبع ایتدیریلهرک ()
نسخه سی معارف اداره لریله اورتا تحصیل مؤسسه لرینه توزیع اولنق اوزره کوندربلشددر .
قبول اولونان قرار لر حقننده رسماً و آیری آیری تبلیغات یاپیلماقده در . بوتبلیغات و تعمیملر
دائره سنده حرکت اولونارق الله ایدیلن نتیجه لر دن معلومات ویریله سی تمنی اولونور افندم .

معارف وکیلی ۱۹۲۷/۷/۲

∴

اورتا تدریسات دائره سی

۲۸۰

۳۸۱۳

منطقه سی معارف امینلرکنه

معلم مکتبلرینه نهاری طلبه آلینا بیله جکی و ولایتلره
موضوعه : بلدیله لر طرفندن پانسیون آچیلایله جکی حقننده

معلم مکتبلرینه قید اولنق ایچون مراجعت ایدن نامزدلردن برچوغی یرسنزک حسییه
قبول ایدیله مه مکده و بو وضعیت معلم احتیاجنی آز زمانده تطمین امکاتنی سلب ایتمکده در .
صنقلری و دیگر مشتهلاتی فضله طبه قبولنه مساعد اولان معلم مکتبلرینه نهاری طلبه
آلینا بیله جکی کی مساعد بنا تدارک ایدلدیکی تقدیرده معلم مکتبلرینده و په داغوژی صنقلری

اولان اورتا مکتبلرده لیسهلرده اولدینی کبی پانسیون آچق ممکدر . آنجق بوخصوص ایچون اداره خصوصیه بودجهلرینه تخصیصات وضع اولنسی لازمدر . منطقه کزده کی ولایتلرک کله جک سنه بودجهلری تنظیم اولنورکن بوجهتک نظردقته آینه رق کافی مقدارده تخصیصات قونیلمسنه متعلق تداییر اتخاذهنی و ولایتلر حسابنه پانسیونلرده اطاشه واباته ایدیله جک طبه نک مکتبدن مأذونیتلرینی متعاقب او ولایتلر امرنده استخدام اولنه جقلرینک ایجاب ایدن مقاماته ابلاغنی ونتیجه دن معلومات اعطاسنی رجا ایدهرم افندیم .

معارف وکیل ۱۹۲۷/۷/۲

..

ایلك تدریسات دائره

۲۸۲ عمومی

۳۰۷۱ خصوصی

ارضروم ، غازی عینتاب ، العزیز ، آنطالیه ، قونیه ، ادرنه ،

آطنه ، استانبول ، ازمیر ، آنقره ، سیواس امینلکلرینه

مخصوصه : معلم قورسونه طالب اولانلر حقنده

اورتا مکتب مأذونلری ایچون ۵ کانون اول ۹۲۶ تاریخی و ۳۰۸۹ نومرولو تعمیمله بیلدیریلن قورسلرک آچیلماسندن صرف نظر ایدیلشدر .
بو قورسه طالب اولان منطقه کز معلملرینه طأد... عدد استدانامه لفأ کوندریلشدر .
منطقه کزده آچیلاجق قورسلره دواملرینک تأمینله کندیلرندن استفاده ایدیله سنی تمنی ایدرم افندم .

معارف وکیل ۹۲۷/۱۷/۲

..

ایلك تدریسات دائره سی

۲۸۳ عمومی

۳۰۸۸ خصوصی

ایلك مکتب معلملرینک معلوماتی تقویه وتوسیع ویکی اصول تدریس جریانلرندن کندیلرینی خبردار ایده بیلک مصدیلله اتخاذه اولونان مقررات حقنده

ایلك مکتب معلملرینک معلوماتی تقویه وتوسیع ایلك وبالخاصه کندیلرینی یکی اصول

تدریس جریانلردن خبردار ایدہ بیلیمک مقصد بلہ صوک امینلر اجتماعندہ اتخاذا اولونان بروجہ زیر مقررات احکامنہ کورہ معاملہ ایفاسنی اہمیتلہ توصیہ ورجا ایدہ درم افندم .

۱۹۲۷/۷/۲ معارف وکیلی

مصطفیٰ بجالی

۱ - کرک شہر، کرک کوی ایلک مکتبہ احتیاجلرینہ اویغون اولمق اوزرہ ہر منطقہ دہ امانت لرجہ مسلکہ عائڈ تربیوی و تدریسی کتابچقلر وجودہ کتیرلمسنہ احتیاج قطعی واردہ . بو کتابچقلر تعلیم و تربیہ دائرہ سہنجہ تصویب ایدلدیکن صوکرکرا وکالت ویا امانت لرجہ نشر اولونور .

۲ - بالعموم معلملر وکالت و امانت نشریاتی تعقیب ایتمک مجبوریتندہ درلر . بو مجبوریت آتیدہ کی شکلردہ تطبیق و تعقیب اولونور .

سنہ درسیہ بدایتندہ معارف وکالتی تعلیم و تربیہ دائرہ سہنجہ ایلک مکتب معلملرینک تعقیب ایتملری تقرر ایدن نشریاتک اساسی معارف امانت لرجہ تبلیغ اولونور . ہر آلتی آیدہ بر دفعہ معارف امینلری معلملرہ نشر ایدیلش کتابلرک محتویاتیلہ علاقہ دار سؤاللر توجیہ ایدرلر . معلملر بونلرک جوابلرینی تدریسات مفتشلرینک و معارف مدیرلرینک نظارتلری آلتندہ یازارلر . منطقہ داخلندہ کی بالعموم مکتب مدیر و معلملری بو خصوصک تطبیقی ایچون امانتدن ویریلہ جک امرلری ایفا ایلہ مکلفدرلر . معارف امینلری تحریری یوقلامالردن ماعدہ منطقہ لری داخلندہ کی معلملری طوپلایہرق تربیوی مناقشہ لر اجرا ایتدیریرلر . مناقشہ لرک غایہ سی معلملرک جریانلردن خبردار اولمالرینی تأمین و نشریاتی تعقیب ایدوب ایتہ دکلرینی مراقبہ در .

کرک تحریری و کرک شفاهی یوقلامہ لرلہ مناقشہ لر نتیجہ سہندہ نشریاتی او قومادقلری آکلاشیلانلر حقندہ انضباط قومیسونی قراریلہ لازم کان معاملہ تطبیق اولونور . معلملرک ترفیع و تقدیرلرندہ یوقلامالردہ کی درجہ موفقیتلری نظر دقتہ آلتیر .

ایلک واورتا مکتب لری ایچون درس و معلم کتابلری حاضر لایان ، مکتب موزہ سنہ نمونہ وائر کوندرن معلملرہ کتابلری وائرلری تقدیرہ شایان ایسہ تقدیرنامہ واکرامیہ ویریلیر بوکیلرک قدملرینہ اصولی دائرہ سہندہ ضم اولونور .

هر درس سنه سی باشنده تعلیم و تربیه هیئتی، اودرس سنه سی طرفنده مناقشه اولونا جق
موضوعلرک پروگرامنی ترتیب ایدر. بو پروگرام وکالتجه امانتله تبلیغ اولونور.
هر مکتبک برکتبخانه سی بولونا جق و وکالتدن کوندریلن کتابلر بوراده محافظه ایدیلر جکدر.
کله یین کتابلری مکتب اداره لری مرجعلرندن ایسته یه جکدر.

..

ایلك تدریسات دائره سی

۳۸۶ عمومی

۳۱۵۵ خصوصی

امینلر اجتماعنده ایلك مکتبلر معلملری
حققنده اتخاذا اولونان مقررات حققنده

امینلر اجتماعنده قرار کیر اولان و ایلك مکتب معلملکنی استهداف ایدن سلسله
مقرراتک برده شوشکلده تثبیتی مفید کورولمشدر .

۱ — کوی و شهر اولق اوزره ایکی قاته غوری معلملک اساسی قبول ایدیلمشدر .
بوراده کی کوی تعیری کوی قانوننک تعریفی داخلنده مطالعه ایدیلر .

۲ — شهر معلملری ؛ تام تشکیلاتلی معلم مکتبلری ماذونلریله لیسه ، یدی سنه لک
اعدادی و یوکسک تحصیل ماذونلرندن (آ) قورسنی موفقیتله تعقیب و انتاج ایتمش اولانلردر .

۳ — (آ) قورسی بو قبیل کمنجلره ؛ تربیه ، روحیات ، اصول تدریس ، مکتب
حفظ الصحه سی ، درس تطبیقاتی کی معلم مکتبلرینک مسلکی درس لرینی ، متخصص معلملر
الیله ویرن و امتحانده قازانان معلم مکتبی ماذونی کی عدایتدیرن بوساحه ده کی اکیوکسک
قورصمزددر .

۴ — بوامتیازی تأمیناً قورصه اشتراک ایتمک ایسته یه جک ده اکیوکسک منشألی طالبلر ؛
معلم مکتبلرینک مسلک درس لری خارجنده قالان عمومی معلوماتندن موفقیتله امتحان
ویرمه کهمجبوردرلر .

۵ — بوامتحانی ویرمه دن بوقورصه دوام ایدن اورتا ، امام و خطیب ، منطقه زراعت
منطقه صنایع الخ کی اورتا مکتبلر ماذونلری موفقیتلی امتحان ویردکلری تقدیرده
معلملکک بوتون حقوق و امتیازاتنه مالک بررکوی معلمی اولورلر . بو کمنجلر شهره کچمک
ایسته دکلری تقدیرده معلم معاونی اوله رق کچه بیلیرلر .

۶ - (آ) قورسی تعلیماتنامه سنده بونک آنجق معلم مکتبی بولونان یرلرده آجیلاجنی مصرح ایسه ده بوسنه یه مخصوص اوله رق و صرف بشنجی ماده نك احتیاجلرینی جوابسز براماش اولق اوزره منطقه امینك مناسب کوردیکی قوتلی هیئت تعلیمیه یه مالک مرا کزده ده کشادینه مساعده ایدیلشد.

۷ - قورصلر تعلیماتنامه سنده موجود احکام سائره نك حکمی بالطبع باقیدر .

۸ - دیگر طرفدن الله موجود معلم و معاونلرینك تفتیش نتیجه سنده کومتر دکلری نقصانلری تلافی ایچون آجیلاجق اولان (ب) قورسنی تعقیب ایدن براورتا مکتب مآذونی بونی موفقیتله اکمال ایدره کوی معلم مکتبده او قونان مسلکی درسلردن امتحان ویره بیلیرسه کذلک کوی معلمی حقوقنی احراز ایدر .

۹ - عینی زمانده شهر معلم مکتبلرینك بوسنه دوردنجی و بشنجی صنفلرینه ترفیع ایتمش بولونان طلبه دن آرزو ایدنلر (آ) قورسنه تابع طوطه لارق کوی معلمکی امتیازینی قازانابیلرلر .

۱۰ - بعض ولايتلرک معلم مکتبلرنده طلبه او قوده رق کندی ولایتنه مال ایتک اندیشه سی بووقته قدر تطمین ایديله میوردی . فقط بوندن صو کرا بوقیل افندیلر عمومی توزیع اذخال ایدیلیرک دوغرودن دوغرویه ولایتلرینه ویريله جکلردر .

۱۱ - منشألری نه اولورسه اولسون معلم مکتبلرینك صو ک ایکنجی صنف درس لرندن امتحان ویرمه کة موفق اولابیلدجک معلم معاونلرینك معلمک صنفنه ارتقاسی جائزدر .

۱۲ - کیفیتک واضح بر تجارت پرو پاغانداسی حالنده اعلانی تمنی اولونور افندم .

معارف و کبلی

۹۲۷/۷/۵

مصطفی بحالی

..

آثار عتیقه و موزه لر مدیریتی

۲۹۴ عمومی

۳۲۲ خصوصی

اشوغرافیا موزه سنه قوناجق
موزه : اشیا حقنده

۲ تموز ۱۹۲۷ تاریخ و ۲۷۵/۳ نومرولو تعمیم ایله اشوغرافیا موزه سنه قونولماسی ایجاب ایدن اشیا دن اک لزومیلری تعداد ایدیلشدی . واقعا آنقرده ده بر اشوغرافیا موزه سی

تأسيس اولونمق وبوموزه نك مركز حكومته لايق برطرزده زنكىنلشله شديريله سى ايچون لازم كلهن تدابير توصل ايدلمشدر. ! مركزده تأسيس ايديله ن اشبو موزه ولايتلرك مهم مركزلرنده و هر برولايتك اتنوغرافيسنه طائد آثارى حاوى موزه لرك تأسيسنه مانع تشكيل ايتمز. معاصر بوتون ملتلكي بزم ايچون مى حرثمزي ، اجتماعى بنيه مزي واضح بر صورتده طانمق و طانمق حياتى بر احتياجدر. مملكتهمزده هنوز اتنوغرافيك تدقيقاتنه طائد همان هيچ برجدى مساعى انكشاف ايتمه مشدر. بونك ايچون مملكتهمزك اتنوغرافيسيله اشتغال ايتك منور جمهوريت كنجلكنك هيچانله علاقه دار اولاجنى وطنى وظيفه دندر. بناء عليه ولايت مركزلرنده آثار عتيقه موزهلرينك ياننده ، مجلس عموميلرك ، بلديه لرك وبالخاصه منور كنجللك هممت و تدقيقاتيله كوچوك و محلى برهر اتنوغرافينك و مى صناعت نفيسه موزهلرى ميدانه كتيريله سى پك زياده تمنى به شاياندر. ذاتاً آوروپانك همان هر بويوك شهرنده آثار عتيقه ، اتنوغرافيك صناعت مليه يى محتوى محلى موزهلر صرف مملكت منورلرينك هممت و غيرتيله ميدانه كلن و مى شعورك ، ديلهك برلكنك بوكونكى حرارتلى آهنگنى توليد ايله مشدر. آرزو اولنوركه آوروپاده اولدينى كى بزده دخى مهم مرا كزده و قريب بر آتيده خلقى مستفيد وارباب علمى تطمين ايدن بوكى موزهلر وجوده كتيريلسين. بز بوخصوصده داهامستعجل بر وضعيتده يز ، قديم صناعت نفيسه من ياواش ياواش خرابى به يوزطوتمقده ، اجتماعى حرثمز اوزون برغفلت دورينك انقراض نسيانى آلتنده اويومقده در. منطقه كز داخلنده بو خصوصده لازم كلهن ارشادات و تعقياتده بولونما كزى ، الده ايدجككز موفقيتلردن وكالتى خبردار ايتمه كزى خاصه رجا ايدهرم افندم.

معارف وكيلى ۱۹۲۷/۱۷/۹

مصطفى نجمانى

..

احصائيات دائره سى

عمومى ۲۹۵
خصوصى ۷۰

معارف مديرلكلرينه

طب ايديلن احصائى معلوماتك وقتنده
موضوعه : كوندېلېسه دائره

هر سنه نهايتنده ارسالى لازم كان احصائيات جدوللرى بعض محللرجه وقتنده

کوندریله مکده وازجمله ۹۲۵-۲۶ سنه درسیه سی نهایتنده کوندریله سی اقتضا ابدن جدوللر آردن ایکنجی بر ۹۲۶-۲۷ درس سنه سی چدیکی حالده برچوق محللردن آلآن کله مشدر. بوندن ماعدا بمضاً تحریرات وحتی تلغرافله طلب ایدیلن معلوماته ده پک چوق تأخرله جواب ویریلمکده در. بوحال ؛ احصائیات ایشلرینه لایق اولدینی وجهله اهمیت ویریلمه مکده اولدیغنه دلالت ایدر. بوصورتله طلب ایدیلن معلوماتک درحال اشعاری و تموز نهایتنه قدر ۹۲۵-۲۶ سنه سی جدوللرینک تماماً ارسالی و بوخصوصلرده بطاقتی کوروله جکله حقنده معامله قانونیه به توسل ایدیه جکی اهمیتله تبلیغ اولنور افندم.

معارف وکیلی ۱۹۲۷/۷/۱۲

..

تعلیم و تربیه دائره سی

۲۹۶ عمومی

۳۵ خصوصی

..... منطقه سی معارف امینلکده

مخصوصه : غزته و مجموعه لر حقنده

عقب نشرنده منتظماً بر نسخه سنک نشریات مدیرینه ارسالی ۱۹۲۷/۳/۲۴ تاریخ و ۵۷۴۶ نومرولو تلغرافله بیلدیریلن غزته و مجموعه لر منتظماً کوندریله مکده در. علاقه دارلره تبلیغات ایفاسی اهمیتله

معارف وکیلی ۱۹۲۷/۷/۹

..

اورتا تدریسات دائره سی

۲۹۷ عمومی

۳۴۳ خصوصی

معارف امینلکرینه

مخصوصه : ارکان حربیه عمومیه امرینه کچن مفتش و معلملرک مدت خدمتلرینک قدم و خدمت مجبوره لرینه محسوب ایدلسنه دائر

وکالتک مساعده سیله ارکان حربیه عمومیه امرینه کچمش اولان مفتش و معلملرک

صنایع نفیسه مدیریتی

۲۹۹ عمومی

۱۶۷ خصوصی

صنایع نفیسه مخبر اعضاقلری
حقنده تعلیماتنامه

صنایع نفیسه انجمنی مخبر اعضاقلری حقنده وکالتجه تنظیم اولونان تعلیماتنامه آشاغی به درج ایدلشدرد . بو خصوصده لدی الایجاب صنایع نفیسه انجمنیله مخبره ایدیلده سی موافق اولور اقدم .

معارف وکیلی

مصطفی نبالی

صنایع نفیسه انجمنی مخبر اعضاقلری حقنده تعلیماتنامه

۱ - صنایع نفیسه انجمنک اتفاق آراسیله صنایع نفیسه نک ترقی وانکشافی خصوصنده خدمتی سابق ذاتلره فخری اعضالق عنوانی توجیه ایدیلیر .

۲ - مخبر اعضا اولق ایچون شرائط عمومیه دن ماعدا صنایع نفیسه شعبه لرندن بریله فعلاً ویا فکرأ متوغل اولق شرطدر .

۳ - مخبر اعضا انتخاب ایدیله بیلمک ایچون اعضادن ایکی ذاتک تکلیفی و اکثریتک قراری لازمدر .

صنایع نفیسه انجمنی مخبر اعضاسنک وظیفه لری شونلردر :

۱ - منطقه سی داخلنده موجود آثار نفیسه حقنده معلومات ویرمک
۲ - بونلر آراسنده خراب اولمایه ، تجاوز و چالنج تهلککسنه معروض اولانلرینی خبر ویرمک .

۳ - منطقه داخلنده رسم ، هیکل ، تیاترو ، موسیقی ، حقنده معلومات ویرمک
۴ - ایجابنده انجمن طرفندن تودیع ایدیله جک بر موضوع حقنده تبغات وتدقیقات یایمق و مطالعه بیان ایتمک

۵ - علی العموم بدیعی حرثک مملکتده انتشار و تعمیمنه چالیشمق

صنایع نفیسه انجمنی مخبر اعضاسنک حقوقی شونلردر :

۱ - انجمن نشریاتنی مجاناً آلمق
۲ - منطقه سی داخلنده اجرا ایدیله جک معین مراسمه انجمنی تمثیل ایتمک

۳ — عندالحاجه منطقه سی داخلنده تشکل ایده جک انجمن وقونفره لرہ صنایع نفیسہ
انجمنی نامنه اعضا صفتیلہ اشتراک ایتمک
۱۹۲۷/۷/۷

∴

احصائیات مدیری

۳۰۳ عمومی
۲۹۲ خصوصی

معارف مدیر لکارینه

مخصوصه : احصائیات جدوللرینک پوسته یه تودیع
ایدلدیکنه دائرہ .

- ۱ — مرکز وقضائر ایچون آیروجه بررطاقم احتیاط اولدینی حالده (۱-۵) و (۴)
نومرولو جدولہ لاحقہ اولان جدوللردن عددی ایله سنه لک عمومی معارف
خریطه سندن درت عددی پوسته یه تودیعا ارسال قلمشدر .
- ۲ — مذکور جدوللردن بر نسخہ سی وکالتہ، بر نسخہ سی منطقه معارف امینلکنہ
کوندریله جک دیگر نسخہ سی دائرہ ده حفظ ایدیلہ جکدر .
- ۳ — جدوللرک تنظیمنه ؛ هر جدولہ یاپیلان تعریفات دائرہ سنده اعتنا ومعین آی
وکونده تنظیم وپوسته یه تودیع ایدیلہ سی اهمیتله مطلوبدر .
- ۴ — مرسل جدوللرک ورودینک اشعار ی بیان اونور افندم .

معارف وکیل

۱۹۲۷/۷/۱۲

∴

ایلك تدریسات دائرہ سی

۳۰۴ عمومی
۳۴۵۵ خصوصی

منطقه سی معارف امینلکنه

مخصوصه : اجنبی و اقلیت مکتبلرندہ تورکجه تاریخ
وجغرافیا مفردات پروغراملری حقندہ

اجنبی و اقلیت مکتبلرندہ تورکجه، تورک تاریخ وجوغرافیا مفردات پروغراملرینک

ایلول ابتداسنه قادار توزیعی مقرر اولدیغندن بو درس لر معلم لری حقنده آئیده کی تعلیمات دائره سنده حرکت ایدیله جکدر .

۱ — أجنبي و اقلیت مکتب لری ایلک قسملرنده معلم لک ایدیه بیلیمک ایچون رسمی مکتب لک ایلک قسملرنده تدریس ایدیه بیلیمک صلاحیتی حائز بولونمق شرطدر .

خدمت مکلفه سنی هنوز اکمال ایتمه مش معلم مکتب لری ماذونلری بو مکتب لرده درس آلامازلر .

۲ — أجنبي و اقلیت مکتب لری تالی قسملرنده معلم لک ایدیه بیلیمک ایچون رسمی مکتب لک تالی قسملرنده تدریس ایدیه بیلیمک صلاحیتی حائز بولونمق شرطدر .

خدمت مکلفه سنی ایضا ایتمه مش معلم و ستاژیه لر بو مکتب لرده درس آلامازلر .

۳ — أجنبي و اقلیت مکتب لرنده تورکجه و تورک تاریخ و جوغرافیاسی درس نی درعه ده ایدیه جک ذوات آنادیلی تورک اولانلر میانندن، مکتب مدیری طرفدن انتخاب وانه ایدیه لره ک امینلک طرفدن تعیین اولونور .

۴ — أجنبي و اقلیت مکتب لرنده ایفای وظیفه ایتمکده اولان معلم لردن انحلال ایدیه جک برلره مکتب مدیریتنجه بالاده کی اوچ شرطی حائز برذاتک انهاسی مجبوریدر .

۵ — حال حاضرده ایفای وظیفه ایتمکده اولان معلم لودن وظیفه لرنده موفق اولامایانلر بولوندیغی حالده وضعیت لری مکتب مدیریتنجه اسباب موجب در میانیه معارف اداره سنه بیلدیرمه دیکی ویرینه شرائط مسرووده نی حائز نامزد کوسترلمدیکی تقدیرده مکتب اداره سی مسئول طوتوله جقدر .

۶ — بو تدریسات هر آی تفتیش اولونور . بوتقتیشاتی یاپدیرمیان یاخود بوکا لایق اولدیغی اهمیتی ویریه نلر حقنده ایجاب ایدن معامله یاییلاجنی کی معلم لری نلک اصول تدریس و اداره لری نلک نقصانیدن ده مکتب مدیرلری معاتب اولورلر .

۱۹۲۷/۷/۱۲

معارف وکیل

موجبنجه حرکت اولونماسی متمنادر افندم .

اورتا تدریسات دائره سی

۳۰۹ عمومی

۴۰۸۷ خصوصی

منطقه سی معارف امینلکنه

مکتبلره ویریلن تأسیسات و انشآت
موضوع: : حواله سی حقنده

۱ — منطقه کز داخلنده کی مکتبلردن بوسنه هانکیسنه نه مقدار تأسیسات و انشآت حواله سی ویرلدیکی مربوط جدوله کوستریلشدر .

۲ — تأسیسات پاراسی ۲۱ مایس ۹۲۷ تاریخ و $\frac{۹۳۰۵}{۱۴۱}$ نومرولی تعمیمده کوستریلن لوازم خارجنده مهم و مبرم احتیاجلره صرف ایدیه جکدر .

۳ — انشآت حواله لری ده الهمم و مستعجل تعمیرات ایچون ویریلشدر .

۴ — بودجه مزده کی تخصیصاتک آزلفی حسبیه داهافضله پارا ویرمک ممکن اولامادیفی ایچون مکتب اداره لرینک یوقاریده کی ماده لر داخلنده حرکت ایدهرک اللرنده کی یارایی اهی ۴۰ ترجیح صورتیه صرف اتمه لری ایجاب ایدر .

۵ — ارجه ویریلن مصرف حواله لری ایچنده لیلی قیز وارکک لیسه ، اورتا و معلم مکتبلرینک ملبوسات پاراسی ده داخلدر . حالبوکه طلبیه باپدیریلاجق البسه قوماشلری بورادن کوندریله جکی جهتله مکتبلرک بو پارایی صرف اتمه یهرک تبلیغ اولنان لیلی مجانی قادروسنه نظراً حقیقی اولارق قاچ مترو قوماشه احتیاجلری بولندیغنی سریعاً بیلدیرمه لری لارمدر . قوماشلر کونده رلدکدن صکرا اثمائی مکتبلرک حواله لرندن تنقیص ایدیه جکدر .

۶ — مکتبلره آیریجه حاولو وپچه ته کونده ریه جک وکذا بونلرک اثمائی ده تأسیسات حواله نامه سندن تنقیص ایتدیه جکدر . بناءً علیه هر مکتب اداره سی کندی تأسیسات تخصیصاته نظراً نه مقدار حاولو وپچه ته مبايعه ایدیه بیه جکسه اونک ده حقیقی مقداریخی عاجلاً بیلدیرمه می مقتضیدر . مکتبلره بوضورتله تبلیغات ایفاسی متمنادر افندم .

معارف وکیل

۱۹۲۷/۷/۱۳

اورتا تدریسات دائرہ سی

۳۱۰ عمومی

۴۱۱۷ خصوصی

استانبول منطقہ سی معارف امینلیکنہ

م. بہاء الدین بکک تورکچہ لغت
مترجمہ :
مترجمہ

م. بہاء الدین بکک (تورکچہ لغات) ی مکتب کتب خانہ لری ایچون شایان توصیه کورلمشدر.
منطقہ کزده کی مکتبہ لری تعمیمی متعمندر افندم .

معارف وکیلی

۱۹۲۷/۷/۱۳

..

ایلاک تدریسات دائرہ سی

۳۱۱ عمومی

۳۴۹۷ خصوصی

م. بہاء الدین بکک (تورکچہ لغات) ی مکتب کتب خانہ لری ایچون شایان توصیه کورلمشدر.
منطقہ کزده کی مکتبہ لری تعمیمی متعمندر افندم .

کچن درس سنہ سی اثناسندہ ایلاک مکتبہ لری یکی پروگراملرک تطبیقندن آلدہ اینیلن
نتیجہ لری حقندہ آلمان راپورلر ایلاک مکتبہ لری یکی پروگراملرک اساسلری و تعقیب
ایتدیکی غایہ لری حقندہ ارشادہ محتاج اولدقلرینی کورستمشدر . اوکزده کی درس سنہ سی
اثناسندہ یکی پروگراملرک واسع بر ساعده تطبیقی مقرر بولوندیغی جهتله پروگراملرک نه
صورتله تطبیق ایدیلہ جکی حقندہ بوتون ایلاک مکتبہ لری یکی پروگراملرک تنویر و ارشادی بر ضرورت
حالی آلمشدر . اونک ایچون بو تعطیل اثناسندہ منطقہ کزده شیمدیدن واسع بر ساعده
(ب) قورصلرندن استفاده ایچون تدبیر آلمانسی اهمیتله توصیه لری کورویورم .

۱ — بو تعطیلده (ب) قورصلرینک اساسی یکی پروگراملرک مختلف درسلرده ناصل
تطبیق ایدیلہ جکی و بو درسلرده ناصل بر اصول تعقیب اولونا جکی حقندہ علمی مسئلہ لری
تشکیل ایتمه لیدر .

۲ — (ب) قورصلرینہ هر منطقہ ده کچن سنہ یکی پروگرامی تطبیق ایدن و ایتمه یین
بوتون ایلاک مکتبہ لری یکی پروگراملرک ایلاک تدریسات مفتلرینک منتظماً دوام ایتمه سی لازمدر .

۳ — بو تعصیلده آجیلاجق (ب) قورصلری، بو قورصلر حقنده اولجه تبلیغ ایدلمش اولان تعلیماتده ایضاح ایدیلن معارف منسوبلری طرفندن اداره اولنور .

۴ — هر منطقهده (ب) قورصلرینی موفقیتله اداره ایدمک تعلیم و ارشاد عنصرلری بولونمادیغی تقدیرده بو منطقهده بو قورصلری اداره ایدن معلم ویا مفتشلرک دیگر منطقهلره اعزامی و هر منطقهده نه زمان باشلايه جغنگ ایجاب ایدمکلره شیعمیدن تبلیغ و اعلان اولونماسی مقتضیدر .

۵ — قورصلر قورو قورویه تقریرله کچن قونفرانسلردن عبارت اولماملی، معلملرک الک چوق محتاج اولدقلری ساحهده علمی معلوماتی تطبیقی بر شکلمده تلقین اساسنه استناد ایتمه لیدر .

۶ — قورصلرده یکی پروگرامه توفیقاً کرک قورصی اداره ایدن، کرک قورصه کلمش اولالا معلم و مفتشلر طرفندن نمونه و تجربه درسلری ویریلهلی و بودرسلر مناقشه ایدیلیدر .

۷ — قورصلرک آجیلدیغی منطقهلرده یاتی مکتبی وارسه بومکتبک طلبه سی و یوقسه ممکن مرتبه دیگر مکتبلرک مداوملری آراسنده بر قاج چوجوق آلنه رق نمونه و تجربه درسلرینک عملی بر صورتده ویریله سی تأمین اولونمالیدر .

۸ — (ب) قورصلری اثناسنده کچق سنه یکی پروگراملری تطبیق ایدن معلملرک مشاهد و تجربه لرندن استفاده ایتمه لی و بو معلملرک پروگرامک تطبیقی اثناسنده تصادف ایتدکلری مشکلات حقنده ویره جکلری ایضاحات اوزرینه بو مشکلاتک ازاله سی یولنده نه کبی تدبیرلره مراجعت ایدیله یله جکی قورص معلملری ویا مفتشلر طرفندن تنویر و ایضاح اولونمالیدر .

۹ — قورصلر اثناسنده معارف منطقه امینلری، معارف مدیر ویا مأمورلری درسلرده و مناقشه لرده صیق، صیق بولونارق معلملر ترغیب و تشویق ایدیله لیدر .

یکی پروگراملرک موفقیتله تطبیقنه امکان تأمین ایچون ابدال بویوره جغکز جدی مساعینک مملک ایچون نه قدار مهم و مثمر نتیجه لر تولید ایدمککنی ایضاحه احتیاج یوقدر . بو خصوصده کی همت و فعالیتلرک جدی نمره لرینه امنیتله منتظرم افندم .

معارف وکیل

مصطفی نجابی

۱۹۲۷/۷/۱۳

ایلك تدریسات دائرہ سی

۳۱۲ عمومی

۳۵۱۸ خصوصی

امینلکارہ

موضوع: معارف منطقہ مجلسلری مقرراتی حقندہ

معارف منطقہ مجلسلری مقرراتنک وکالتجہ تصدیقنک اصول اتخاذا ایدلمسی .

معارف وکیلی

۱۹۲۷/۷/۱۴

••

ایلك تدریسات دائرہ سی

۳۱۳ عمومی

۳۵۱۹ خصوصی

منطقہ سی معارف امینلکارہ

موضوع: اجنبی مکتبلرندہ تورکجہ تدریسنک قور
اصولیلہ بایللہ جنفی حقندہ

۱ — اجنبی مکتبلرندہ تورکجہ تدریساتی قور اصولیلہ تدریس ایدیلہ جکدر .

۲ — تورکجہ دن دوشوکلر ایچون طلبہ نک سویہ سنہ کورہ قورلر شعبہ لرہ تقسیم ایدیلہ بیلیر .

۳ — قور اصولندہ معلمینک مطلقا مکتبده وقتندہ حاضر بولونمالری شرطدر . بو خصوصده معلمین صیقی بر انضباطه تابع طوتولمالیدر .

۴ — تورکجہ تدریساتی دروس سائرہ یه ترجیحاً اوکلہ دن اول کوستریلہ جکدر .

۵ — اجنبی و اقلیت مکتبلرندہ تورکجہ دن دونہ ن طلبہ صنفده قالیر .

۶ — اجنبی و اقلیت مکتبلرندہ تدریس ایدیلن کتابلر معارف اداره لرنجہ تدقیق ایدیلسین ایدیلہ سین تورکاکہ عالیدار قسملری احتوا ایتدیکی تقدیرده مکتب مدیرلری مسئول طوتوله جقدر .

کیفیتک شیمدیدن و اهمیتله تعمیمی منی اولونور افندم .

معارف وکیلی

۱۹۲۷/۷/۱۴

یوکسک تدریسات دائرہ سی

۲۱۴ عمومی

۵۶۳ خصوصی

دیاربکر ، قیصری ، قونیہ ، بروسہ ، قسطنطنیہ ، ادرنہ نیکدہ ،
صامسون اورفا ، صرغش ، بتلیس ، آماسیہ ، آنقرہ ،
کوتاہیہ از میر واستانبول ولایتلرینہ

موضوع : ولایت وبلدیہلر طرفندن آچیلماش و آچیلماق اولان مسلك مکتبلری
تدریسات وایش پروگراملری و سائرہ سی حتمندہ

صنعت ، اقتصاد و زراعت ساحہلرندہ بابادن کورمه اسکی اصوللرله چالیشان ایش
آداملریمز یرینہ حال حاضرده علم و فن قوتلریله مجهز ایجاد و تثبیت صاحبی اوستہلر
و متخصصلر یتشدیرمک و بو صورتہ شیمدی به قدر بر تورلو انکشاف ایدرمہ بن صنایع
ملیہ مزى بولودینی ابتدائیلمکدن قورتاروب مملکتی بابانجی آلله عرض احتیاجدن وارسته
قیلمق مقصدیله بویوک ملت مجلسی طرفندن قبول اولونان مسلك مکتبلری قانونی مربوطاً
کوندریلمشدر.

معارف وکالتی بو قانونه استناد ایدمک شیمدی به قدر زمان زمان آچیلوب قاپانان
وا کثرتی جدی بر فائده تأمین ایتمهش اولان مسلك مکتبلرندہ اساسی اصلاحات یاق
عزمندہ در. قانونک برنجی و اوچونجی مادهلرینہ توفیقاً ولایت وبلدیہلر طرفندن آچیلماش
و آچیلماق اولان مسلك مکتبلرینک تدریسات وایش پروگراملری ، معلم و مأمورین
قادرولری ، مالزمه و لوازم درسیہلری ، معلملرک ، صنعت اوستہلرینک اوصاف مسلکیہلری
معارف وکالتنجه تثبیت اولونا جغندن ولایتکزد داخلندہ کی مسلك مکتبلرینک بوسنه فعالیتده
بولونایلمہلری ایچین آشاغیده کی خصوصلرک همان بیلدیریلمہ سی لازمدر.

۱ — مسلك مکتبلرینک تدریسات وایش پروگراملری .

۲ — معلم و مأمورلرینک تحصیل درجهلری و سجل و قوطانی .

بر مسئله سنه تماس ایدن بو خصوصی وطنی و ملی بر غیرتک موضوعی تلقی بویورما کزی
وبوصورتله تحصیل ایدیه جک مبالغک بویوک بر قسمنک داها شمیدین تحصیله کوندریله جک
طلبه نك مصارف تحصیلیه سنه تخصیص اولونه جغنی و طلبه تخصیصاتنک بویوک بر انتظام
دائرة سنده کوندریله سنده کی ضرورته نظراً مسئله یی لایق اولدینی اهمیت ایله قارشیلانما کزی
رجا وجوابکنزه انتظار ایلرم افندم .

۹۲۷/۷/۱۴

ایلك تدریسات دائرة سی

۳۱۵ عمومی

۳۵۲۱ خصوصی

منطقه سی معارف امینلکینه

موضوعه : کوی ویا شهر معلمی اولارق مسئله
یکیدن کیره جک اولانلر حقنده

- ۱ — کرک شهر و کرکسه کوی معلمی اولارق مسئله یکیدن کیره جک قورصار
واسکی معلم مکتبی ماذونیننک توزیع جدوللری امینلر طرفندن یاسیلارق وکالتک تصدیقنه
عرض اولوندقدن صوکره معتبر اولاجقدر .
- ۲ — وکالتجه توزیع ایدیه جک بوسنه کی معلم مکتبلری ماذونلری ، بالطبع ، بو
ترتیبدن خارجدر .
- ۷ — اول و آخر تعمیم اولوندینی اوزره بوساحه ده اعظمی غیرتی کوسترمش آرقداشلره
متشکر قالاچغم افندم .

معارف وکیل ۹۲۷/۷/۱۴

مصطفی بجانی

۳۱۶ عمومی

۳۵۴۳ خصوصی

امینلکاره

موضوعه : معلم مکتبی ماذونلری حقنده جدی
تعقیباتده بولونولماسنه دائر :

معارف تشکیلات قانوننک سکیزنجی ماده سی ووجبنجه ایفاسنه مجبور اولدقلری خدمت

مكلفه لىخى ايفاي ائتمەش كېسەلرە قارشى معارف ادارەلرەزك لزومى اولان صلابت و فكر
تەقىي كۈستەمدەكلر كۈرييورم .
قطعيأ جازاوملايان بو حال ايله ياقندن علاقه دار اولمىكزى وشمەدى يە قدر كرك خدمتە
وكر كە تضمينات آلنق صورتيله انتاج ايدىلش دعاوينك بر جدولنك نهايت آغستوسك
اون بئشە قدر وكالە ارسالى رجا ايدەرم افندم .

معارف وكيلى ۹۲۷/۷/۱۳
مصطفى بخانى

..

ملى تعليم و تربيه دائرەسى

۳۱۸ عمومي

۳۶ خصوصى

مەزمۇنە : كوچوكلارى مضر ئشرياتدن قوروما
قانۇنى حققندە

كوچوكلارى مضر ئشرياتدن قوروما مقصديله توكيه بويوك ملت مجلسى طرفندن قبول
اولونان ۱۱۱۷ نومرولى و ۲۱ حزيран ۱۹۲۷ تاريخلى قانۇن ۲۶۷ نومرو و ۷ تموز
۱۹۲۷ تاريخلى رسمى جريده ايله نشر واعلان اولونمشدر .

۱ — بوقانۇنك سسكزننجى مادهسى موجبجه توركيهده طبع و نشر ايدىلان هر نوع
كتاب ، رساله و مجموعه لرك ايكي نسخهسى كتاب ، مجموعه و ياموقوت رساله صاحب و مسئول
مديرلرى طرفندن محلى معارف اداره لرينە توديع اولونا جقدر . (مطبعه لر ، مطبوعات
و حق تأليف قانونلرى موجبجه و يريله جك كتاب و مجموعه لر كاكان آريجه و يريلمكده
دوام ايديله جكدر)

۲ — هر معارف ادارهسى بوضورتله تسليم ايتديكي كتاب ، مجموعه و يا غزته لرى رسمى
تعهدلى اوله رق عيني كونده معارف وكالتى تعليم و تربيه دائرەسى نشریات شعبەسى مديرىتى
آدرەسنە كوندرە جك و كوندرە مكده بولونديغى نشریاتى منتظم بر دفترە قيد و تسجیل ايدە جكدر .

۳ — هر آي صوكننده او آي ظرفنده بوضورتله تعليم و تربيه دائرەسنە كوندريلش
بولونان كتاب ، مجموعه و رساله لرك مربوط نمونه يە توفيقاً اثر جديد كاغدى بويوكلكنده ،
تنظيم اولونش بر قطعه جدولى ده آريجه تعليم و تربيه دائرەسنە كوندريله جكدر .

۴ — معارف ادارەلری سکنزنجی ماده موجبنجه نشریاتی تعقیب و خلافتده حرکت ایدنلر حقنده صلح محکمه لرینه مراجعنه قاتونک تمامی تطبیقی تأمین ایتمکله مکلفدرلر.
کنج نسلک اخلاق و معنویاتی بوزدیغی قناتنده بولونولان مجموعه و اثرلر حقنده وکالتک نظر دقتی جلب ایله مه نک معلملرک وظیفه لری جمله سندن اولدیغنکده بوتون معلملره تعمیمی رجا ایدهرم افندم .

معارف وکیل
مصطفی بحالی
۹۲۷/۷/۱۶

اورتا تدریسات دائرەسی

۳۲۰ عمومی
۴۳۱۸ خصوصی

منطقه سی معارف امینلکینه

تورکجه معلملکی امتحانک برمدت
موقفه ایچون یایلاماماسی حقنده

اورتا تدریسات مکتبلرنده کی معلم احتیاجنک تطمینی مقصدینه بناء ۷ حزیران ۳۴۱
تاریخی تعلیماتنامه موجبنجه شمدی یه قادار امتحانلری اجرا ایدیلن بر قسمنک تعینی صورتیله
تورکجه غروبنه طائد منحللر دولدرلشددر. ایوم بو غروبدن امتحان ویره نلردن بعضیلرینک
منحل بولنادیغندن دولای تعینلری جهتنه کیدیله مه مسی یا کندیلرینک ایلك مکتبلرده
توظیفی و یاخود آچیقده قالمالری استلزام ایده جکندن تورکجه غروبی امتحانلرینک برمدت
موقفه ایچون اجرا ایدله مسی مدیرلر انجمننک ۱۰ تموز ۹۲۷ تاریخی و ۷۸ نومرولو قراری
اقتضاسندن اولدیغندن بعدما بوبابده مراجعتده بولنه جقلره بوکا کوره تفهیم کیفیت ایدلمسی
تعمیماً تبلیغ اولونور افندم .

معارف وکیل
۹۲۷/۷/۱۷

ملی تعلیم و تربیه دائرەسی

۳۲۶ عمومی
۳۷ خصوصی

موقفه : آوروپایه کوندریله جک طلبه حقنده

بعض ولایتلر، اجنبی مملکتلره مختلف مسلکله ایچون طلبه کوندرمک اوزره بودجه لرینه

تخصیصات وضع ایتشاردر. ولایتلردن کچن سنه لرده کوندریلن طلبه نك بر قسمی لازمکان شرائطدن وارشاددن محروم اولدقلری ایچون کیتدکلری لرلرده کندیلرندن بکله یار تخصیصی تأمین ایدمه یه جک بر حالد. اولدقلری کرک ایلچیکلردن آلمان معلوماتدن و کرک آوروپاده کی معارف مفتشنگ اشعاراتندن آکلاشلماقده در .

خلفک ویر-یکی پارهایله آوروپایه کیده ن طلبه دن اعظمی استفاده تأمین ایچون وکالت ایجاب ایدن تدبیرلری بر تعلیماتنامه حالنده تثبیت ایتمکده در . یاقینده تبلیغ اولونا جق بوتعلیماتنامه دائره سنده حرکت ایتمکله برابر شیعمیدن آوروپایه طلبه کوندرمک اوزره بودجه لرینه تخصیصات قویان ولایتلرک هانکی مسلك ایچون طلبه کونده ره جکسنگ اولامرده بیلدیریله سی و وکالتک بیلدیره جکی طرزده یاپیله جق مسابقه ایله طلبه نك تفریقندن صکره ینه وکالتک تثبیت ایدمه جکی مکتب و مؤسسه لره کونده ریله سی، کیده جک کنجاردن لایقیله استفاده ایدیله بیلمه سی ایچین شرطدر .

بو یولده معامله ایفاسی ولایت مقاملرینه یازیلش اولدیغندن محلی بودجه نك تدقیقه بولوندیغکیز منطقه ده کی ولایتلردن نه قدار طلبه کونده ریله جکسنگ بیلدیریله سی رجا لده رم افندم .

معارف و کبلی

۱۹۲۷/۷/۱۹

مصطفی بحالی

یوکسک تدریسات دائره سی

۲۲۸ عمومی

۶۰۷ خصوصی

تجارت و صنایع اوطه سنه

مهمه : مسلكی قورصلر آچماق ایچین
طلبه و لولونان معلومات

مملکتکیزده موجود صنایعک ترقی و انکشافاتنه معطوف بعض مسلكی قورلر آچق تصورنده یز . بو قورصلرک آچیلایلمه سی ایچون اشاغیکی معلوماتک وکالتجه بیلنمه سنه لزوم واردر . ممکن مرتبه تام و سریع معلوماتی ویرمکیزه انتظار ایله رم افندم .

۱ — تجارت اوطه سنده مقید بولنار اعضا عدی .

- ۲ — فوق العاده برنجی ، ایکنجی الخ درجه ده کی اعضانك صنفله كوره صورت
توزیعی و مختلف صنفله داخل بولنان اعضانك سرمایه اعتباریله وضعیتی .
- ۳ — اعضانك تجار ویا صنایع اربابندن اولدیغنه نظراً صنایعه منسوب اولانلرك
صنعت نقطه نظرندن تصنیفی
- ۴ — اوطه ده مقید بولنان كوچوك اصنافك عددی و بونلردن صنفه منسوب اولانلرك
صنفلری اعتباریله تصنیفی
- ۵ — مملكتكزده منكشف بولنان وانكشافه مستعد اولان بويوك ، كوچوك صنایع
حقنده برمخطره
- ۶ — مملكتكزك زراعت و صنایع زراعیه نقطه نظرندن وضعیتی وزراعی استحصالات
نقطه نظرندن برنجی درجه ده اهمیتی حائز اولان محصولاتك مقدار و قیمتی حقنده معلومات ،
زراعتی متفرع مهم تلقی ایتدیككز معلومات :

..

ایلك تدریسات دائره سی

۳۴۶ عمومی

۳۶۴ خصوصی

موضوع : انقلاب موزه سی تاسیسی حقنده

آقره ده یکی تاسیس اولونان اتنوگرافیا موزه سنه ملحق اوله رق بر «انقلاب شعبه سی» نك
آجیلیمه سنه قرار ویرلمشدر . خلقه جمهوریت تربیه سی ویرمك و مسعود انقلابك بويوكلكنی
اخلافه طابق غایه سیله تشكیل ایدن بوموزه یه مؤثر معاونتده بولونماسنی رجا و فائق حرمتلریمی
تقدیم ایلرم افندم .

معارف وکیل

۱۹۲۷/۷/۲۵

..

یوكسك تدریسات دائره سی

۳۵۰ عمومی

۳۶۹ خصوصی

معارف امینلکارینه

موضوع : مسلك مكاتبلك وضعیتی
حقنده ایسبه نیان معلومات

مسلك مكاتبلكی قانونندن برر نسخه مربوطاً كوندرلشدر . بوقانونك تطبیقاتنه طائد

تعلیماتنامەدە دردست ارسالدر . مسلك مکتبلىرى مخابراتىندە مرجع معارف امينلىكلارىدر . ولايت و بلديەلر طرفىدن آچىلمش و آچىلاجق اولان بونوع مکتبلىرىك معلم و مأمورين قادرولى و لوازم درسيەلىرى ، معلملىرىك ، صنعت اوستەلىرىنك اوصاف مسلكيەلىرى معارف و كالتىجە تثيت اولونە جىغىدن منطقە كىز داخلىندە كى مسلك مکتبلىرىنك بوسنە فعاليتدە بولونە بىلىمەلىرى ايچون اشاغىكى خدوصاتىك سرعت ممكنە ايله بىلدىرىلەسى لازمدر .

۱ — منطقە كىز داخلىندە كى مسلك مکتبلىرىنك احتوا ايتدىكلىرى صنعت شعبەلىرىنك عددى ، صنف عددى ، و هر صنفدە موجود بولونان طلبەنىك عددى .

۲ — معلم و مأمورلىرىنك تحصيل درجەلىرى و سىجل و قوعاى ميبين مصدق فيشلىرى .

۳ — سنەلك واردات و مصرفى ميبين مصدق بودجەلىرى

۴ — بالعموم دمير باش اشيا دفتىرلىرى

بو معلومات اولجە ولايتلر واسطە سىلە ايستەنمىشدى . كىفيتى تعقيب و كوندىرلەمش اولانلىرىك همان وكالتە سوقلىرىنى تامين ايتە كىزى رجا ايدىرم افندىم .

معارف و كىلى

۱۹۲۷/۷/۲۶

..

ايللك تدرىسات

عمومى	۲۵۲
خصوصى	۳۷۲۴

..... منطقە امينلىكلىرىنە

ن

بوسنە معلم مکتبلىرىنك مآذون اولانلىرىك محل استخداملرى و كالتىجە تثيت و على الاسامى منطقەلرە تبليغ اولونە جىقدر . يا كاشلغە محل قلاماق اوزرە تبليغاتە انتظار ايدىلمى ضرورىدر .

معارف و كىلى ۱۹۲۷/۹/۲۷

..

محاسبە مديريتى

عمومى	۳۵۵
خصوصى	۱۶۳

..... والىلىكلەر

معلم مکتبلىرى بوزدە اولىرى تسليماتىك
برجدولنىك تنظيم و وكالتە ارسالى حقنەدە

۱۹۲۶ سنەسى مارت ابتدا سىندن ۱۲۹۷ سنەسى مایس نهایتنە قىدار اداره خصوصيەنىك

مالیه وارداتندن مع ملحقات وقوعبولان تحصیلات یکنویله اشبو تحصیلاته مقابل معلم مکتبی یوزده اونی اوله رق مرکز و ملحقات مالصندوقلرینه وقوعبولان تسلیات مقدارخی و مقابله آلتان مقوض تاریخ و نومرولری مین بر جدولک بالتنظیم تسریع ارسالی اهمیتیه رجا اولنور افندم .

تموز ۹۲۷

معارف وکیلی

ایلك تدریسات دائره سی

عمومی ۳۵۸

خصوصی ۳۷۵۵

ازبیر ، طربزون ، ادرنه ، قونییه ، انطالیه ، انقره ،

سیواس معارف امینلک لرینه

موضوعه : استانبول امام و خطیب مکتبی مآذونلرینک
(آ) قورصنه دوامی حائده

استانبول امام و خطیب مکتبک بوسنه مآذونلرندن لئا کوندریان جدولده نومرو ، اسم و محل تولدلی یازیلی افندیلر معلملکد طالب اولدقلرندن کشادایدلمش اولان آ قورصلرینه دواملری اسبابنک استکمالی تمی اولونور افندم .

معارف وکیلی ۱۹۲۷/۷/۳۰

ایلك تدریسات دائره سی

عمومی ۳۵۹

خصوصی ۳۸۰۰

معارف امینلک لرینه

موضوعه : خلق درسخانه لری و خلق قونفره رانس لرینه
عائد احصائی جدوللر حائده

خلق درسخانه لری و خلق قونفره رانس لری تعلیماتنامه سنه توفیقاً بوسنه منطقه کز داخلنده بایلاجق تشکیلات و اثبات ایله خلق درسخانه لری قدرولرینه و خلق قونفره رانس لری

ایچون مقتضی احضاراته عايد معلوماتك بررپور شكندە تنظيم و تسريع ارسالانى ، خلق درسخانه لرى و خلق قونفرانس لرى حقندە قطعى ارقامى احتوا ايدەجك احصائى جدوللارك بو سنە لابق اولدينى اهميته تنظيمى بالخاصه رجا ايدرم افندم .

معارف و كىلى ۱۹۲۷/۷/۳۱

هيئت تفديسيه رياستى

عمومى ۳۶۱

خصوصى ۴۹۵

..... منطقه معارف امينلكارينه

موضوعه : تفتيش راپورلرى حقندە

آلتى آيلق راپورلريكز ايچون يكيدين تنظيم اولونان راپور نمونه لرى دولت مطبعه سنده طبع ايدىلش و دوغرىدن دوغرى به نامكزه در دست ارسال بولونمشدر . تموزده كوندره جككز راپورلريكزك مذكور نمونه به كوره يازيلماسنى و بعدما راپورلارك نسختين اولارق املاسيه برنسخه سنك نزديكزده براقيلارق ديكر نسخه سنك وكالته ارسالى تعميماً تبليغ اولونور افندم .

۹۲۷/۷/۳۰

معارف و كىلى

اورتا تدرىسات دائره سى

عمومى ۳۶۳

خصوصى ۳۷۴۷

موضوعه : فقير طلبه ك معين قياقت طاشيماسى
ايچون تشويق ابدله مسى حقندە

بعض مكاتب اداره لرينك طلبه يى يكدىق البسه كيمه به مجبور طوتدقلى آ كلاشيلمقه در . طلبه نك ، مكاتبك قبول ايتديكى نمونه به كوره البسه طاشيماسى و وضعيت ماليه سى مساعد

اولوبده چو جو قلوبنه البسه ياپمق مجبويتنده بولونان طلبه وليرنندن بو البسه نك مكتب نمونه سنه موافق اولاراق ياپديرماسنى ايسته مك اساس اعتباريله پك دوغرو ايسه ده اعاشه سنى بيك مشكلاته تاامين ايدى بيلن وليلى البسه ياپمايه اجبار اتمك و چو جو غك دوامنى بو شرطك تحققة باغلامق جائز دكلدر . بناء عليه چوق فقير و حال مضايقه ده بولونان طلبه نك معين برقيافت طاشماسى ايچين تضيق ايدمله مى ويا لكيز چو جو غك البسه ياپدير اجنى زمان نمونه سنه توفيقاً ياپديرماسنى تاامين اتمك ايجاب ايدمر . كيفيتك مكتب اداره لرينه تبليغى متمنادر افندم .

معارف وکیلی ۱۹۲۷/۷/۲۹



پروگراملار

ایلك تدریسات دائرہ سی

۳۰۶ عمومی

۳۴۸۰ خصوصی

منطقہ سی معارف امینلک نہ

منطقہ کزده آچیلایق «آ» قورسلرنده تدریسی مقتضی مسلك درسلرینک طرز تدریسی حقنده کی ایضاحنامه دیگر صحیفه لره درج اولمشدر . مقتضاسنه کوره معامله ایفاسی نمی اولونور اقمدم . معارف وکیلی

(آ) قورسی پروگرامی و تدریساتی حقنده

ایضاحنامه

۱ - کرک شهر ، کرک کوی معلملرینی یتیشدیرمک اوزره تعطیلده آچیلایق (آ) قورسلرنده مداوملره تدریس اولوناجق مسلك درسلی شونلردر :
(۱) روحیات و تربیه ، (۲) تدریس . (۳) مکتب حفظ الصحه سی ، (۴) درس تطبیقاتی .
بودرسلرک مفرداتی شونلردر :

۱ - روحیات و تربیه

(مسلك قورسلرنده روحیات و تربیه معلوماتی بربرینه مزج ایدیلرک ویریلرکدر .)
تربیه ، تربیه نك موضوعی و غایه سی .
روحیات . روحیاتك موضوعی ، مربی و معلملره روحیاتك لزومی روحیات ایله
تربیه آرمسده مناسبت .

تربيه ايله عائله اقران ، محيط ، جمعيت وملت آره سنده مناسبت .
تربيه نك انواعى : بدنى وروھى تربيه .
چوجوغلر نما دورملرى .

روھى تربيه نك انواعى : ذهنى ، حسى و ارادى تربيه .
حاسلر ك تربيه سى : باصره ، لامعه ، لامسه ، شامه ، ذائقه .
ادراكلىر تصورلىر .

حافظه : حافظه نك وصفلىرى ، حافظه نك نمودجلىرى .
حفظك نوعلىرى .

تداعى . فكرلىر ك تداعى شرائطى .

مخيلاه نك تربيه سى : مخيلاه نك انواعى ، ياراتيجى مخيلاه .
دقت . ذهن يورغونلغى : دالغينلىق ، علاقه ، حكم و محاكمه ، استقراء و تعليل .
لسان (نطق) ايله فكر آراسنده مناسبتلىر ، چوجوغلر لسانى ك تكامللى .

حسيات : حظ و الم ، حسيات ك اهميتى و نوعلىرى ، هييجان .
تمايللر : فردى تمايللر (محافظه نفس ، حب تملك ، حب استقلال ... الخ) بونلر ك
چوجوغلر ده تظاهراتى . (خودبينلىك و سائر) اجتماعى تمايللر : تجاذب ، مرامت ، دوستلىق
عائله ، مليت ، وطن و انسانيت .

عالى حسلىر : دوغرولوق ، ايلك و كوزملىك حسلىرى .

اراده . انعكاسى حرىكتلىر و سوق طبعيللىرى .

اعتقاد . بدنى ، روھى اعتقادلىر . اعتقادلىر ك تربيه ده اهميتى .

اراده نك تربيه سى . سعييه و سعييه نك تربيه سى .

اويون و سپور . ذهنى و بدنى اويونلر . اويونلر ك چوجوغلر تربيه سنده كى اهميتى .
معتدل درجه ده سپور ك فائده سى .

انضباط : حزا و مكافات و وعلىرى ؛ فائده و محذورلرى چوجوغلر كى كندىرلغى
ادارميه آايشديرمق .

مكتب ادارميه حقنده كى اساسلىر

ايلك مكتبلىر تعليماتنامميه سى ، ايلك تدريسات قانونى ، معارف تشكيلات قانونى ،
مختلف مكتبلىر .

تربیه تاریخی : تورکیه ده معارف تاریخنه قیسه بر نظر : مدرسه دوری ، تنظیمات دوری ، مشروطیت ، و جمهوریت دورلری .
مشهور مربیلردن بعضیلرینک تربیه عالمه تأثیری : قومنیکی ، پستالوجی ، روضو ، فروبهل .

۲ - اصول تدریس

اصولی تدریسک قواعد عمومییه سی . مختلف تدریس اصوللری .
فعال اصول . طوپلو تدریس . استجواب اصولی .
ایلك مکتبلرده الفبا ، لسان ، حیات بیلکیسی ، حساب ، تاریخ ، جوغرافیا ، هندسه ،
یورد بیلکیسی ، رسم ، ال ایشلری ، تربیه بدنییه ، موسیقی درسلرینک اصول تدریسی .

۳ - مکتب حفظ الصحه سی

مکتب حفظ الصحه سنک اهمیتتی . مکتب بناسی .
موقع و وضعیت . مختلف کوی و شهر مکتبلری پلانلری . درسخانه و مکتب مشتملاتی
حقنده ابضاحات . درسخانه لک تنویری ، نسخینی ، تجدید هواسی .
مکتب باغچه لری . دوش محللری ، خللر .

۴ - درس تطبیقاتی

درس تطبیقاتی (آ) قورصی تعلیماتنامه سنک ۱۱ نجی ماده سنده کی ابضاحاته کوره یاپدیریلیر .
۲ - قورص معلملری ، روحیات تربیه و اصول تدریس درسلرنده یالکیز نظری
معلومات ویرمکه اکتفا ایتیه جککیر ، مناسب کوردکجه چوجوق و مکتب حیاتندن و مختلف
درسلرک تدریس اصوللرینه طأدمسئله لردن واضح و مشخص مثاللر بوله رق ابضاح ایده جککیردر .
بالخاصه مختلف درسلرک اصول تدریسلری ابضاح ایدلدیکی صیراده اودرسلرک غایه لری
وبوغایه لری الیه ایتک ایچون کیدیلر جک یوللر و قوللانیله جق واسطه لر اوزررنده اصرار
ایده جککیردر .

۳ - قورص معاملری ، تدریسات اثناسنده بخلری بر دوزییه تقریر ایله اکتفا
ایتمه رک مداوملرک اسکی بیلکیلرینه و مطالعه لرینه مراجعتله تربیوی و تدریسی مسئله لر
اوزرنده کندیلرینی دوشوندورمکه و ایجابنده بومسئله لر اوزرنده آرالرنده مناقشه لر یاپدیرمغه
دقت ایده جککیردر .

۴ — قورص معلملىرى، مختلف درسلىك تدرىس اصوللىرىنى ايتىدلىرى صيراده بالخاصه ايلك مکتبلىك يېڭى پروگراملىرىنى تەقىب ايدىلان تربىوى اساسلىرى مداوملىك نظر دقتلىرىنى جلب ايدىلىك اسكى ويكى اصوللىرىنى آراسىنىدىكى فرقللىرى تبارز ايتىدىرىمكى چاليشى جقلىرىدىر.

۵ — قورص معلملىرى، ھربىئىك ختامىنىدىن او ئىختى حقنىدىن تورىكى يازىلىش اثرلىرى، رھبەرلىرى، مجموعە ماقالىلىرى اوزىرىنى مداوملىك نظر دقتلىرىنى جلب ايدىلىك جىكلىرى و مداوملىرى طرفىدىن آرزو ايدىلىدىكى تقدىرىدىن اجنبى لسانلىرىنىدىن بو خصوصە دائىر يازىلىش اولان اثرلىرىدىن توصىە ايلىك جىكلىرىدىر.

۶ — قورص معلملىرى، صيراسىنى كىتىرىدىكى تربىە و تدرىس ساحەسىنىدىن دىنىيلىك ھر طرفىدىن ياپىلىمقىدىن اولان تربىوى و علمى تديقلىرىكى اهمىتى حقنىدىن ايتىحات وىرىكلىرى، تربىە و تدرىس حقنىدىنكى معلوماتلىك ياللىق فورسىدىن كوردلىرى مىسىللەرىدىن منحصەر بولمىدىغىنى، تعليم و تربىە مىلىكىنىدىن بو كىلىملىك ايتىچون مطلقا بو تديقلىقنى تەقىب ايتىمىكى ضرورى بولمىدىغىنى نظر دقتلىرىنى جلب ايدىلىك بونوع تديقلىرى اوزىرىنى مداوملىرى صىمى بىر علاقه اوياندىرىمىنى چاليشى جقلىرىدىر.

۷ — قورص تدرىساتى ادارە ايدىن مختلف معلملىرى صىق، صىق بىر بىرلىكە تىماس ايدىلىك تەقىب ايتىدلىرى اساسلىرى اوزىرىنىدىن آ كلاسلىقىنى چاليشى جقلىرى و معلم نامزدلىرىنى قورص درسلىرىدىن عظمى استىفادەلىرىنى تامين ايتىچون اتىخاىلىنى لىزم كوردلىرى تديرلىرى اوزىرىنى مداولە افىكارىدىن بولوناجقلىرىدىر.

۸ — قورص معلملىرى مىنا-بىت كىتىرىدىكى معلملىك و تدرىس حياتلىك جاذب و علاقه بىخىش جەھتلىرى اوزىرىنى معلم نامزدلىرىنىكى نظر دقتلىرىنى جلب ايدىلىك معلملىك حياتى شىمدىدىن سودىرىمكى واونلىرى مىسلىك رىبط ايتىمكى چاليشى جقلىرىدىر.

دولت خدمت و مؤساتنده عدم استخدا منه قرار ویریلنه نلر

سجل مأمورین دائره سی

۲۸۴ عمومی

۴۱۳۱ خصوصی

بالعموم امیند کلره

ملغا اوقاف نظارتی مفتش لرندن نجاتی بکک، مجادلهء ملیه یه اشتراک ایتمه ین مامور لر
حقنده کی ۸۵۲ نومرو قانونک برنجی ماده سنه توفیقاً بر دها دولت خدمت و مؤساتنده
عدم استخدا منه قرار ویریلدیکی اوقاف مدیریت عمومیه سی مأمورین مدیریتنک $\frac{۵۱۶}{۳۹}$ نومرو
و ۲۹ حزیران ۱۹۲۷ تاریخلی تحریراتیله بیلدیریلشدر . تبلیغ کیفیت اولنور افندم .
۱۹۲۷/۷/۳

سجل و مأمورین دائره سی

۲۸۷ عمومی

۴۱۸۵ خصوصی

منعن قائم مقام اسبقی احمد توفیق بکک هیئت مخصوصه جه تدقیق ایدیلن دوسیه سنه
نظراً مجادلهء ملیه یه اشتراک ایتمیان مأمور لر حقنده کی ۸۵۴ نومرو قانونک در دنجی ماده سنه

توفيقاً دولت خدمت و مؤسسانده عدم استخدامنه قرار و يرلديكى داخلية وكالتنك $\frac{2459}{381}$ نومرو و ۹۲۷/۵/۳۱ تاريخلى تحريراتيلا بيلديرلمشدر . تعميماً تبليغ اولونور افندم .
۹۲۷/۷/۱۰ . معارف و كېلى

..

۲۸۷ عمومى [مكرر]

۸۶ ۴ خصوصى

دميرجى قائممقام اسبقى سعدالدين بكك هيئت مخصوصهجه تدقيق ايديلن دوسيه سنه نظراً مجادله مليه به اشتراك ايتميان مأمور لر حقنده كى ۸۵۴ نومرولو قانونك برنجى ماده سنه توفيقاً دولت خدمت و مؤسسانده عدم استخدامنه قرار و يرلديكى داخلية وكالتنك $\frac{2461}{381}$ نومرو و ۳۱ حزيران ۹۲۷ تاريخلى تحريراتيلا بيلديرلمشدر . تعميماً تبليغ اولونور افندم .
۹۲۷/۷/۱۰ . معارف و كېلى

..

سجل و مأمورين دائرهسى

۳۱۷ عمومى

۴۳۸۹ ۴ خصوصى

ادرنه دارالمعلمين تور كچه معلم اسبقى واليوم ويانه ده بولنان عزيز بكك هيئت مخصوصهجه تدقيق ايديلن دوسيه سنه نظراً مجادله مليه به اشتراك ايتميان مأمور لر حقنده كى ۸۵۴ نومرولو قانونك برنجى ماده سنه توفيقاً دولت خدمت و مؤسسانده عدم استخدامنه قرار و يرلديكى هيئت مخصوصه نك ۳۳۳ نومرو و ۱۷ مائس ۱۹۲۷ تاريخلى تحريراتيلا بيلديرلمشدر . تعميماً تبليغ اولونور افندم .
۹۲۷/۷/۱۷

معارف و كېلى

..

نظراً بمجادلهء مليه اشتراك ايتيان مأمور لر حقنده كى ۸۵۴ نومرولو قانونك برنجى ماده سنه
توفيقاً دولت خدمت و مؤسسائنده عدم استخدامنه قرار و يرلديكى داخله وكالتنك $\frac{۳۲۲۵}{۴۱۳}$
نومرو و ۷/تموز/۱۹۲۷ تاريخلى تحرير اتيلاه بيلد يرلمشدر . تعميماً تبليغ اولونور افندم .
معارف وكبلى ۹۲۷/۷/۱۷

..

سجل و مأمورين دائره سى

۲۵۱ عمومى

۳۹۴۸ خصوصى

موضوع : حسن حسنى بن حاجى مصطفى افنديشك دولت
خدمت و مؤسسائنده عدم استخدامى حقنده

سابق پوليس مأمور لرندن اولوب شامك صيدا قصبه سنده . تولد حسن حسنى بن متوفى
حاجى مصطفى افندى شامك سقوطى ائناسنده زراعت مأمور لغنده مستخدم ايكن اوراده
قالوب بالاخره ممالك اجنبيه دن معدود اولان محل مذ كورده پوليسك وقوميسر معاونلكنه
تعين و ترفيع قلنه رق ايفاي خدمت ايتديكى خط دستيله محرر سجل خلاصه سندن
آكلاشلمسنة مبنى ۱۵ مائس ۳۳۵ و ۲۶ آغستوس ۳۳۸ تاريخلى آراسنده هر هانكى
براجنبى مملكته خدمت قبول ايتمه سنه نظراً ۸۵۴ نومرولو قانونك ۴ نجى ماده سى موجبنه
بر دها دولت خدمت و مؤسسائنده عدم استخدامنه قرار و يرلمش اولديغى داخله وكالتى
امنيت عموميه ديريتنك $\frac{۱۴۵۵۱}{۸۹۰۰۴}$ نومرو و ۳۰ حزينان ۹۲۷ تاريخلى تحرير اتيلاه بيلد يرلمشدر .
تعميماً تبليغ كيفيت اولونور افندم .

معارف وكبلى ۹۲۷/۷/۱۰

..

سجل و مأمورين دائره سى

۲۵۳ عمومى

۴۰۰۶ خصوصى

نظراً مجادلهء مليه به اشتراك ايمه بن مأمور لر حقنده كى ۸۵۴ نومرولو قانونك دردنجى ماده سنه
توفيقاً دولت خدمت و مؤسسانده عدم استخامنه قرار و يرلديكى داخله وكالتنك ۳۱ -
۵ - ۹۲۷ تاريخلى و ۲۵۸/۳۶۳ نومرولو تذكره سيله بيلديرلشدر . تعميماً تبليغ كيفيت اولونور
افندم .

معارف وكيلى ۱۹۲۷/۷/۱۰

..

سجل و مأمورين دائرهسى
۲۵۳ عمومى [مكرر]
۴۰۰۷ خصوصى

موضوعه : جاويد بكك دولت خدمت و مؤسسانده
عدم استخدای حقنده

سابق آيدن والى وكيلى جاويد بكك هيئت مخصوصه جه تدقيق ايديلن دوسيه سنه
نظراً مجادلهء مليه به اشتراك ايمه بن مأمور لر حقنده كى ۸۵۴ نومرولو قانونك برنجى ماده سنه
توفيقاً دولت خدمت و مؤسسانده عدم استخدایه قرار و يرلديكى داخله وكالتنك ۳۱ -
۵ - ۹۲۷ تاريخلى و ۳۴۶۲/۲۶۲ نومرولو تذكره سيله بيلديرلشدر . تعميماً تبليغ كيفيت
اولونور افندم .

معارف وكيلى ۱۹۲۷/۷/۱۰

..

سجل و مأمورين دائرهسى
۲۶۵ عمومى
۴۰۳۵ خصوصى

موضوعه : قاضى زاده خالص افندى بن محمد بهاء الدين افنديشك
دولت خدمت و مؤسسانده عدم استخدای حقنده

استانبول پوليس مديريتى تحرى مأمور سابق يوزغادلى قاضى زاده خالص افندى بن

محمد بهالدين افنديك متاركه ائناسنده انكليز مجبارى جمعيتك شهراميني منطقهسى رياستنى درعهده وخانهسى قلوب اتخاذايدمرك لوحه تعليق ايتديكى واداره مليهك استانبولده تاسسنى متعاقب انكليزلره التجا ايتك صورتيله فرار ايلديكى تحقق ايتمكه ۸۵۴ نومرولو قانونك برنجى مادهسى موجبجه برداها دولت خدمت ومؤسساستنده عدم استخدنامه قرار و يرلديكى داخله وكالتى امنيت عموميه مديريتك ۱۴۶۱۳ نومرولو و ۲۳ حزينان ۱۹۲۷ تاريخلى تحريراتيله بيلدیرلمشدر . تعمیماً تبليغ كيفيت اولونور افندم .

معارف وکيلي ۱۹۲۷/۷/۱۰

سجل ومأمورين دائرهسى

عمومى ۳۱۹

خصوصى ۴۳۹۰

تعليم و تربيه هيئتى رياسته

كلنار قائمقام اسبقى محمدتوفيق بكك هيئت مخصوصهجه تدقيق ايدينن دوسيهسنة نظراً مجادله مليه به اشتراك ايتميان مأمورلر حقندهكى ۸۵۴ نومرونو قانونك برنجى مادهسنة توفيقاً دولت خدمت ومؤسساستنده عدم استخدنامه قرار و يرلديكى داخله وكالتك ۲۴۶۹/۱۲ نومرو و ۷/تموز ۱۹۲۷ تاريخلى تحريراتيله بيلدیرلمشدر . تعمیماً تبليغ اولونور افندم .

معارف وکيلي

۱۹۲۷/۷/۱۷

عمومى ۳۰۰

خصوصى ۴۲۵۸

زنغولداقده ولايت يوللرى مهندسى نصرت افنديك هيئت مخصوصهجه تدقيق ايديلن دوسيهسنة نظراً مجادله مليه به اشتراك ايتميان مأمورلر حقندهكى ۸۵۴ نومرولو قانونك برنجى مادهسنة توفيقاً دولت خدمت ومؤسساستنده عدم استخدنامه قرار و يرلديكى نافعك وكالتك ۱۳۲۵/۲۳۲ نومرو و ۱۹۲۷/۷/۵ تاريخلى تحريراتيله بيلدیرلمشدر . تعمیماً تبليغ اولونور افندم .

معارف وکيلي

۱۹۲۷/۷/۱۷

سجل ومأمورین دائرہ سی

۳۲۸ عمومی
۵۴۸۱ خصوصی

منطقہ سی معارف امینلکھنہ

مخدسای بکک دولت خدمت ومؤسسائندہ
مخصوصہ : عدم استخدا منہ دائر

دیوانیہ متصرف اسبقی محدسای بکک ہیئت مخصوصہ جہ تدقیق ایدیلن دوسیہ سنہ
نظراً مجادلہ ملیہ یہ اشتراک ایتیمان مأمور لر حقندہ کی ۸۵۴ نومرولو قانونک برنجی مادہ سنہ
توفیقاً دولت خدمت ومؤسسائندہ عدم استخدا منہ قرار ویرلدیکی داخلہ وکالتندن بیلدیرلشدیر.
تعمیماً تبلیغ کیفیت اولنور افندم . ۹۲۷/۷/۱۹ معارف وکیل

..

۱۲۹ عمومی
۴۴۸۳ خصوصی

بالعموم امنلیکارہ

مصطفی نوری بکک عدم استخدا منہ
مخصوصہ : حقندہ

اسبق بروسہ معارف مدیری ولاحق استانبول وفا اورتا مکتبی ریاضیہ معلمی
مصطفی نوری بکک ۸۵۴ نومرولو قانونک برنجی مادہ سی موجبہ جہ برداها دولت خدمت
ومؤسسائندہ عدم استخدا منہ ہیئت مخصوصہ جہ قرار ویرلشدیر . تبلیغ کیفیت اولونور
افندم . ۱۹۲۷/۷/۱۹

..

سجل ومأمورین مدیریتی

۳۳۰ عمومی
۴۴۸۲ خصوصی

بالعموم امنلیکارہ

نظراً ۸۵۴ نومرولو قانونك برنجی مادهسی موجبنه دولت خدمت و مؤسساتنده عدم استخدامنه قرار ویریلدیکنی داخلیه وکالتندن بیلدیرلمشدر . تعمیماً تبلیغ کیفیت اولنور افندم .

۱۶۲۷/۷/۲۷

..

سجل و مأمورین مدیریتی

۳۳۱ عمومی
۴۴۸۴ خصوصی

طرسوس ۲۹ تشرین اول قیز مکتبی معلمی هاجر و آطنه معملرندن مسعوده خانملرك ۸۵۴ نومرولو قانون موجبنه بردها دولت خدمت و مؤسساتنده عدم استخداملرینه هیئت مخصوصهجه قرار ویرلمشدی بوکره هر ایکسی حقنده ویریلن قرارك رفیعله مذکور قانون موجبنه معامله ایفاسنه محل کوریلایمدیکنه دائر هیئت مخصوصهجه قرار ویرلمشدر تعمیماً تبلیغ کیفیت اولونور افندم .

معارف وکیلی

..

سجل و مأمورین مدیریتی

۳۳۲ عمومی
۴۴۸۵ خصوصی

ملغا خارجیہ نظارتی اسبق مستشاری احسان و ملغا نظارت طهران سفیر اسبقی محمد صدرالدین بکلك ۸۵۴ نومرولو قانونك برنجی مادهسی موجبنه؛ ملغا نظارت ویانه سفارتی اوجنجی کاتبی فائد، ملغا نظارت خارتوف شهیندر اسبقی محمد روحی، ملغا واشینگتون سفارتی ایکنجی کاتبی دائق المؤید، ملغا سان پادلو شهیندر لکندن مستعفی سامی آرسلان و ملغا نظارت ترجمه قلمنده عربجه مترجمی طارف شهاد بکلك قانون مذکورك دردنجی مادهلری موجبنه دولت خدمت و مؤسساتنده عدم استخداملرینه قرار ویرلمش اولدینی خارجیہ

سجل و مأمورین مدیریتی

۳۳۳ عمومی
۴۴۸۶ خصوصی

قیصری ولایتک عزیزیه قضاسی معلمیندن سالم افندینک تقاعدی اجرا ایدیش ایکن فرانسزل طرفندن اصلاحیه ژاندارمه بلوک قوماندانلقنه تعیین قلندینی تحقق ایملکه ۸۵۴ نومرولو قانونک دردنجی مادهسی موجبجه بردها دولت خدمت و مؤسساتنده عدم استخدامنه قرار ویریشدر تعیمیا تبلیغ کیفیت اولونور اقدام .

معارف و کیلی

سجل و مأمورین دائرهسی

۳۳۴ عمومی
۴۴۸۷ خصوصی

بالعموم امینلکله

موضوع : جعفر و موقوف قوهن افندیلرک عدم
استخدامی حقننده

ملغا خارجیه نظارتی امور سیاسیه کتابتندن جعفر و مذکور نظارت مارسلیا باش شهبندرلکی قانچلار سابق موقوف قوهن افندیلرک کندی اختیارلریله ممالک اجنبیهده قالدقلمی اکلایشلایغندن ۸۵۴ نومرولو قانونک برنجی مادهسی موجبجه بردها دولت خدمت و مؤسساتنده عدم استخداملریه هیئت مخصوصهجه قرار ویریلدیکی خارجیه وکالتندن بیلدیریشدر . تعیمیا تبلیغ کیفیت اولونور اقدام .

۱۹۲۷/۷/۱۹

سجل و مامورین دائرہ سی

۳۴۳ عمومی

۴۵۵۶ خصوصی

بالمعوم امینلکارہ

ملغا تجارت و زراعت ناظری جمال و شرکت خیریہ و خلیج واپورلری سابق قومیسری
سامی و ملغا تجارت نظارتی قلم مخصوص مترجمی دای اوغلو قسطنطنیہ و ملغا تجارت نظارتی
تجارت مدیریت عمومیہ سی کاتبلریدن ندائی و صنایع و معادن بانکہ سی مترجملرندن محمد دوریش
بکلرک ہیئت مخصوصہ جہ ۸۵۴ نومرولو قانونک برنجی مادہ سنہ توفیقاً برداھا دولت خدمت
و مؤسسائندہ عدم استخدا مریہ قرار ویریلدیکی تجارت و کالتنک $\frac{۱۲۰۸}{۱۷}$ نومرولو و ۱۲
تموز ۹۲۷ تاریخی تحریراتیله بیلدیرلمشدر . تعمیماً تبلیغ کیفیت اولنور افندم
۹۲۷/۷/۲۴ . معارف و کیلی

سجل و مامورین دائرہ سی

۳۰۰ عمومی

۴۲۵۸ خصوصی

بالمعوم معارف امینلکاریہ

موضوع : نصرت افندیشک عدم استخدای حقندہ

زونغولداقدہ ولایت یوللری مهندس نصرت افندیشک اصلاً ارمنی اولوب تهجیر
اثناسندہ اهدا و متارکہ زمانندہ تکرارتنک ایتدیکی و یونانستانہ عزیمت و اورادہ کی ارمنیلرله
تأسیس مناسبت ایدوب تورکیہ علیہندہ اجنبی بردولتہ خدمتی دخی محسوس ایدوکی استانبول
پولیس مدیربتنک تحقیقاتیلہ ده نظامر ایتمش اولمغله ۸۵۴ نومرولو قانونک برنجی مادہ سی
موجبجہ برداھا دولت خدمت و مؤسسائندہ عدم استخدای منہ ہیئت مخصوصہ جہ قرار
ویریلدیکی نافعہ و کالتنک $\frac{۱۳۲۵}{۲۳۲}$ نومرو و ۹۲۷/۷/۵ تاریخی تحریراتیله بیلدیرلمشدر تعمیماً
تبلیغ کیفیت اولنور افندم .

معارف و کیلی

۱۰ تموز ۹۲۷

سجل و مأمورین مدیریتی

۳۳۵ عمومی

۴۴۸۸ خصوصی

بالعموم امینلکاره

بروسه سابق ایلک مکتبی معلمی خداکار و نجات خانلارک ۸۵۴ نومرولو قانونک برنجی ماده سی موجبنجه بر دها دولت خدمت و مؤسساتنده عدم استخداملرینه قرار ویرلشدی. بوکره هر ایکسی حقنده ویریلن قرارک رفعلله ۸۵۴ نومرولو قانون موجبنجه معامله ایفاسنه محل کوریلهمدیکنه دائر هیئت مخصوصه جه قرار ویرلشدر. تعمیماً تبلیغ کیفیت اولونور افندم.

۱۹۲۷/۷/۱۹

سجل و مأمورین مدیریتی

۳۳۶ عمومی

۴۴۸۹ خصوصی

بالعموم امینلکاره

موضوعه : اسپرونک عدم استخدای حقنده

ملغا خارجیه نظارتی امور سیاسیه برنجی شعبه باش کتابتندن آچیقده اسپرو افندینک متارکه اثاسنده تورکیه روملری نامنه ونیزه لوسله کوروشمک اوزره آتیه کتدیکندن ۸۵۴ نومرولو قانون موجبنجه بر دها دولت خدمت و مؤسساتنده عدم استخدانه قرار ویریلدیکی خارجیه وکالتندن بیلدیرلشدر. تعمیماً تبلیغ کیفیت اولونور افندم.

۱۹۲۷/۷/۱۹

سجل و مأمورین مدیریتی

۲۳۷ عمومی

۴۴۹۳ خصوصی

بالعموم امینلکاره

موضوعه : زیور بکک عدم استخدای حقنده

اسبق بروسه والی وکیلی زیور بکک هیئت مخصوصه جه تدقیق ایدیلن دوسیه سنه نظر آ

مجادلهء مليه ايتمه يەن مأمورلار حقنەدە كى ۸۵۴ نوسرولو قانونك برنجى مادە سەنە
توفىقا دولت خدمت و مؤسسائندە عدم استخدا مەنە قرار و یریلدیكى داخلە و كالتندىن
بیلدیرلشدر. تعمیماً تبلیغ کیفیت اولونور افندەم .
۱۹۲۷/۷/۲

سجل و مأمورین مدیریتی

۴۴۲ عمومی
۴۵۵۴ خصوصی

بالعموم امینلکەرە

بالیکسر پولیس مأمورلردن مغنیسالی خالد ضیا افندی بن حاجی بکر و سرفیجەلى
سلیمان افندی بن عثمان و از میرلی ادهم افندی بن ملازم عثمان اغانك هیئت مخصوصە جە
۸۵۴ نوسرولو قانونك دردنجی مادەسى موجبە جە بر داها دولت خدمت و مؤسسائندە عدم
استخداملرینە امنیت عمومیە مدیربتنك $\frac{۱۴۹۷۳}{۱۰۰۰۷۵}$ نوسرو و ۱۸ تموز ۹۲۷ تاریخی تحریراتیله
بیلدیرلشدر. تعمیماً تبلیغ کیفیت اولونور افندەم .
۱۹۲۷/۷/۲۴

سجل و مأمورین مدیریتی

۳۴۷ عمومی
۴۵۱۹ خصوصی

منطقه سی معارف امینلکەنە

آطنه صو ایشلری سابق مهندسى يوسف نچرت بکک اختیاریلە سوریه دە قالمادیغی
آ کلاشیلدیغندىن قرار سابقك رفعیلە دولت خدمت و مؤسسائندە استخدا مەنە هیئت
مخصوصە جە تکرار قرار و یریلدیكى نافعە و كالتنك $\frac{۱۴۹۶}{۴۶۲۱}$ نوسرو و ۲۰/۷/۹۲۷ تاریخی
تحریراتندىن آ کلاشلمشدر. تبلیغ کیفیت اولونور افندەم .
معارف وکیل

۱۹۲۷/۷/۲۶

نور
سابق
مأمور
سابق
کامل

سجل و مامورین مدیریتی

۳۴۸ عمومی
۴۵۸۰ خصوصی

بالعموم امینلکاره

سعد سابق پولیس مأمورلرندن بتلسلی احمد افندی بن مصطفی سعد و ژاندارمه سواری اونباشیسی دایی اوغلو صالح افندیلر . موصله صاووشه رق الیوم موصل پولیس مامورلرندن اولدقلرندن ۸۵۴ نومرولو قانونک دردنجی مادهسی موجبجه بر دها دوات خدمت و مؤسسائنده عدم استخداملرینه و جزیره دیون عمومیه مأموری سعدلی موسی افندی اوغلو فخرالدین افندیکنک ایسه ۳۴۰ سنهسندده بر قتل مادهسندن دولایی موصله فرار ایتمش اولهسندن -قنده قانون مذکور موجبجه معامله ایفاسنه محل کورولهمدیکجه هیئت مخصوصهجه قرار ویریلدیکی داخلیه وکالتی امنیت عمومیه مدیریقنک $\frac{۱۰۶۴۳}{۴۳۱}$ نومرو و ۱۹ تموز ۹۲۷ تاریخی تحریراتندن آکلاشلشددر. تعمیماً تبلیغ کیفیت اولونور افندم .

۱۹۲۷/۷/۲۶

..

۸۵۴ نومرولی قانونک برنجی مادهسی موجبجه عدم استخداملرینه قرار ویریلنلر :

سیغورطه مأمورلرندن حمدی بک
شورای دولت اعضای سابقهسندن مسعود بک
تجارت مکتبی مآذونلرندن ابراهیم بک
کدار محکمهسی باش کاتی فائق بک
، جنجه رئیس سابق رشید بک
، جلال ، ویسی بکار
ان کمال الدین و علی بکار
ندن عبداللطیف بک

رفیق بک

اده شوکت بک

اسکدار بلدیہ سی مدر سابق احمد رفعت بك
اصلاحات مالیہ قومیسونی اعضاسندن صفی الدین بك
تجارندن نملی زاده بسیم بك
سابق محکمہ تمیز اعضاسندن حسن فہمی بك
سابق مرکز مامورلرندن عبدی بك
مشیخت مستشاری اسبقی احمد جودت بك
بك اوغلی صلح حاکمی اکرم بك
وکلای دعاویدن کامران بك
ملغا معارف نظارتی محاسبہ مدیر اسبقی وحی بك
نافعہ وکالتی حقوق مشاورلکندن متقاعد علی علوی بك

۸۵۴ نومرولی قانون موجبہ عدم استخدا منہ قرار ویریلنلر

استانبول سابق پولیسلرندن ۶۲۴ نومرولو حلیم افندی

»	»	»	۹۴۴	»	وہبی
»	»	»	۶۹۰	»	سالم
»	»	»	۳۲۰۶	»	سعید زینل افندی
»	»	»	۳۴۸۵	»	سعدالدین
»	»	»	۱۴۶۸	»	محمد قدری

۸۵۴ نومرولی قانونک دردنجی مادہ سی موجبہ عدم استخدا منہ قرار ویریلنلر

بروسہ والیء سابق امین بك

۸۵۴ نومرولی قانونک برنجی مادہ سی موجبہ عدم استخدا منہ قرار ویریلنلر

آطہ بازارندہ دعوی وکالتیلہ اشتغال ایدن احمد بك
استانبول پولیس مدبریتندہ مستخدم محمد خیرالدین افندی
سابق ملکیت مفتشلرندن قارنیک فکری بك
دیار بکرده عصمت پاشا لیلی مکتبی معلملرندن شفیق بك

مادرید سفارتخانه سی ایکنجی کاتبی محمد علی عیاض بك

استانبول قومیسرلرندن ۲۴۱ نومرولی حق افندی

» پولیس مأمورلرندن ۹۵۶ نومرولی محمد جمال افندی

» سابق سر قومیسرلرندن ۹ نومرولی رضا افندی

» قومیسرلردن ۲۹۰ نومرولی اسماعیل حق افندی

» قومیسر معاوولرندن ۲۴۰۷ نومرولی محمد عادل افندی

» پولیس مأمورلرندن ۲۸۲۳ نومرولی شکری عادل افندی

» ۱۱۲۷ رشدی افندی

فریکوی تحق مأمورلنی صایم ماموری لطفی افندی

دفتردارلق اوراق قلمی آمری شوکت افندی

استانبول قیود وقفیه کاتبی حسین بك

۸۵۴ نومرولی قانونك برنجی ماده سی موجبجه عدم استخدامنه قرار ویریلنلر

صو شهری قضااسنك آغوانس معلمی فهمی افندی

ادرنه دارالمعلمین سابق معلملرندن حسین حامد بك

بوزاق معارف کتبخانه سی مأموری یوسف بك

استانبول ۹۳ نومرولو ایکنجی قومیسر عبدالله افندی بن عثمان

استانبول پولیس مدیریتی برنجی شعبه باش مأمورلغندن مستعفی عمرخلوصی بك بن علی بك

استانبول مأمورلرندن ۲۹۲۲ نومرولو طاطایی حسن اوغلی محمد علی افندی

استانبول سابق مرکز مأمورلرندن ۲۹۸ تولدی خرستا کی ولد یوانا کی

استانبول پولیس مدیریتی برنجی شعبه برنجی قسم آمری ۱۲۹۰ تولدی مراد آمری بك بن عثمان

» پولیس قومیسرلرندن ۱۳۰۰ تولدی اشقودره لی جمال رمزی افندی بن مصطفی راشد

۸۵۴ نومرولی قانونك دردنجی ماده سی موجبجه عدم استخدامنه قرار ویریلنلر

استانبول پولیس مرکز مأمور سابق ۳۱۱ تولدی اوینه لی راسم محمود بك بن محمود ندیم

کلیس رسومات انبار مأموری فؤاد افندی

۸۵۴ نومرولی قانون موجبجه عدم استخدامنه قرار ویریلنلر

استانبول سابق ایکنجی صنف طیبی بدروس قالا یحییان

• سر قومیسر ۲۹۸ تولدی بیغالی سلیمان غالب افندی بن محمد
• برنجی صنف تخری مأمور سابق ۱۲۸۹ تولدی خرپوطلی قهرمان افندی بن احمد
• ۷۷ نومرولو سابق ایکنجی قومیسر ۳۰۴ تولدی استانبوللی فؤاد افندی
بن عبدالقادر .

استانبول ۹۲ نومرولو ۲۹۵ تولدی درامهلی لطفی افندی بن توفیق
• سابق قومیسر معاونلرندن ۱۷۳ نومرولو ۳۰۱ تولدی نوشهرلی احمد بیجان
بن حاجی محمود

استانبول ۱۱۰۰ نومرولو پولیس مأموری حسین ضیا افندی
• ۲۰۱۷ نومرولو پولیس مأموری اشرف افندی بن توفیق
• ۲۹۲۷ نومرولو پولیس مأموری پالولی صالح افندی بن حسین

۸۵۴ نومرولو قانونک دردنجی مادهسی موجبجه عدم استخدامنه قرار ویریلنلر

آطنه پولیس مأمورلرندن ۵۰ نومروده مقید ۳۱۸ تولدی آطنهلی اسماعیل بن عبدالحمید
آطنه پولیس مأمورلرندن ۲۹ نومروده مقید ۳۱۶ تولدی آطنهلی احمد عدلی افندی
بن عبدالحالق

۸۵۴ نومرولو قانونک برنجی مادهسی موجبجه عدم استخدامنه قرار ویریلنلر

آطنه پولیس مأمورلرندن ۱۸ نومروده مقید ۳۱۴ تولدی آطنهلی احمد مرصاد افندی بن عبداه
استانبول سابق تخری مفتشلرندن ۱۱۹۲ تولدی محمد خالص بن مصطفی عصمت
استانبول پولیس مأمورلرندن ۲۵۱۸ نومرولو و ۳۰۴ تولدی مصطفی نوری افندی بن علی

۸۵۴ نومرولو قانونک دردنجی مادهسی موجبجه عدم استخدامنه قرار ویریلنلر

کوتاهیہنک اشغالی اثناسنده بقال اولان سیروزک سارقیه سندن ۳۰۴ تولدی احمد
حمدی افندی بن اسماعیل

۸۵۴ نومرولو قانونک برنجی مادهسی موجبجه عدم استخداملرینه قرار ویریلنلر

سابق شہراماتی ہیئت تفتیشیہ رئیس محمد کمال بک
اسکدار دائرہ بلدیہسی نظافت فنیہ مبصری عثمان افندی

بك اوغلى برنجى حقوق كتبه سندن قدرى بك
 سجل احوال ممیز سابقلرندن على كمال بك
 قضات و وكلاى دعاويدن اسماعيل بك
 سابق شهرامینی معاونی محمد سامی بك
 مخلفات عمومیه قساملى مشاور سابقى رجب بك
 عبدالله غالب، درویش بككر
 طاطف، اجزاجى فيضى الله بككر
 منتسبين حقوقدن راغب بك
 قسم سياسى مدير سابقى خالص بك
 شفيق پاشا زاده عبدی، جواد بككر
 وكلاى دعاويدن امين بك
 رفعت پاشا زاده على رفعت بك
 تجاردن محمد على بك
 بشكطاش شعبه سى رئيسى عثمان و سامى بككر
 قاضى كوى بلديه رئيسى عثمان بك
 انكليز مكتهى مديرى نيازى بك

۸۵۴ نومرولى قانونك برنجى ماده سى موجبینجه عدم استخداملرينه قرار ویریلنلر

قوجه ایلى توتون انحصار اداره سنده عثمان سرور بك
 اسبق مالیه وزنه دارى خالد بك
 توتون اداره انحصاریه سى مفتشى حاجى حسین حسنى بك
 ملغا مالیه نظارتى مصرف قلمى کاتبى نشأت بك
 استانبول پولیس قومیسر معاونلرندن ۲۳۵ نومرولو عرفان افندی
 » » مامورلرندن ۲۵۳۴ » حاصم »
 » » » ۲۲۴ » حسین حسنى »
 » » » ۲۶۷۹ » احمد بدری »

استانبول پولیس مأمور لرندن ۲۴۵۷ نومرولی محمد توفیق افندی

بکقوز مرکز مأموری محرم مظلوم بک

استانبول پولیس مأمور لرندن کمال الدین افندی

استانبول پولیس قومیسر معاونی فخری »

» سر قومیسر ۲۳۷ نومرولی سلیمان ثروت بک

» » معاون لرندن ۲۸۳ نومرولی اسماعیل کمال افندی

» پولیس مأمور لرندن محمود جلال الدین افندی



مدیرلر انجمنی قرارلری

قرارنومردسی ۷۶

مغایر عفت حرکاتندن دولایی ایکی طلبه نك
مکتبلرینک تبدیلی حقننده

ل کنار محله لرندن بریسنده مغایر عفت حرکاتده بولونقلری شیوع بولمسی اوزرینه
مدیرلر انجمنجه طرد قطعینسه قرار ویریلن قیز اورتا مکتب طلبه سندن ب خانم و اورتا
مکتب طلبه سندن ج افندی حقننده منطقه سی معارف امینلکنک تحریراته استناداً اورتا
تدریسات مدیر عمومیلکنندن انجمنمزه محول ۹۲۷/۶/۲۷ تاریخ و ۳۷۰۴ نومرولو مذکره
اوقونهرق آشاغیده کی قرار اتخاذا ایدیلشدیر :

مغایر عفت حرکاتده بولونقلری شایع اولمسی اوزرینه هرایکیسنکده مکتب انضباط
مجلسلرنجه طرد قطعیلرینه قرار ویریلش و بوقرار انجمنمزه ده تصویب ایدیلش ایسه ده
اخیراً مکتب اداره سنجه یاپیلان تحقیقاته و ب خانمک استدثانه مه سنه مربوط طیب راپورینه
انظراً کندیلرینه اسناد اولوان جرمک واقع اولمادیغی و بومناسبتک چوققلغک تضالرندن
ایلری کیده مدیکی مرتبه ثبوته واصل اولمشدیر . بناء علیه ، کرک ب خانمک کرکسه ج
افدینک تحصیللرینه دوام ایده بیلملری ایچین حققرنده متخذ اخراج قطعی قرارینک رفی
وشو قادارکه مناسبتسز بر حالک شیوعنه سیمیت ویردکلرندن دولایی شیمدیکی مکتبلرینه
دواملری جائز کورولمدیکنندن باشقه مکتبلرده تحصیل ایده بیلملری ایچین کندیلرینه برر
تصدیقنامه اعطاسی تنسیب و کیفیتنک محله تبلیغی ضمنتده اوراقک اورتا تدریسات مدیرلکنه
تودینی تذکر اولونمشدیر .

۹۲۷/۷/۵

قرارنومردسی : ۷۷

بر یوکسک معلم مکتبی ماذوننک خدمت
مجبوره سنی و صدخانه ده کچیرمه سی حقننده

یوکسک معلم مکتبی فن فاکولته سی ریاضیات هیئت قسمی اکمال ایدن فائق بکک

رصدخانه برنجی صنف ملازملىكنه تعيين ايديلهرك خدمت مجبوره سنك بو مؤسسه ده ايفاسنه
داثر يوكسك تدريسات مديرلكندن انجمنز مه محول ۴۴۸ نومرو و ۲۷/۶/۲۶ تاريخلى
مذ كره سى اوقوندى .

يوكسك معلم مكتبى بتره ن فائق بكك رصدخانه برنجى صنف ملازملىكنه تعيينيله
مصارف تشكىلاتنه داثر قانونك سكزنجى ماده سى موجبجه مكلف اولدينى سكزن سنه
خدمتك بو مؤسسه ده ايفاسى و كيفيتك محله تبلىنى ضمانته اورا قك يوكسك تدريسات
مديرلكنه تودىنى قرار كير اولدى .

۹۲۷/۷/۶

تور كجه معلملى امتحانك برمدت
ايچون ياپيلماسى حقنده

قرار نومروسى : ۷۸

۷ حزينان ۳۴۱ تاريخلى تعليماتنامه موجبجه تور كجه غروبندن ياپيلان معلم معاونلىكى
امتحانلرينك برمدت موقته ايچين ياپيلماسى حقنده برقرار اتخاذه متداثر اورتا تدريسات
مدير عمومىلكنك ۹۲۷/۶/۲۷ تاريخ و ۳۷۴۰ نومرولو مذ كره سى اوقوندى :
اورتا تدريسات مكتبلر نده كى معلم احتياجكك تطينى مقصدينه بناء ۷ حزينان ۳۴۱
تاريخلى تعليماتنامه موجبجه شمدى يه قدر امتحانلرى اجرا ايديلن ذواتدن بر قسمك تعيينى
صورتيله تور كجه غروبنه عائد منحللر دولديرلشدر . اليوم بو غروبندن امتحان ويرنلردن
بعضيلرينك - منحل بولونا مديغندن دولايى - تعيينلرى جهتنه كيديله مەسى يا كنديلرينك
ايلك مكتبلرده توظيفنى و يا خودده آچيقده قالمالرينى استلزام ايتمكده در .
بناء عليه ، تور كجه غروبى امتحانلرينك برمدت موقته ايچين اجرا ايديله مەسى ضمانته
اورا قك اورتا تدريسات مدير عمومىلكنه تودىنى قرار كير اولمشدر .

مدير معاونته تجاوز ابدن رطله نك
طردى حقنده

قرار نومروسى : ۷۹

آ ارلك معلم مكتبى طلبه سندن به افندى مدير معاونى سه بكه تجاوزده بولنديغندن
مكتبدن طردى حقنده برقرار اتخاذه داثر اورتا تدريسات مديرلكنك انجمنز مه محول
۳۷۷۷ نومرولى ۹۲۷/۶/۲۹ تاريخلى مذ كره سى اوقوندى .

به افندى فيزيق درسندن يوقلامايا پرا قلد يغندن مغبر اولاراق سه بكي جرح ايده جك

قادر تجاوزہ جرأت ایتشدر . مومی الیہک بوحرکتی فی مابعد مکتبلیمزدہ قلماسنہ مانع اولدیغندن مکتبدن قطعی طردی ضمانتده اوراقلک اورتا تدریساتہ تودیعی قرار کیر اولدی .

..

قرار نومردسی : $\frac{۸۰}{۳}$

مخصوصه : معلملری تهید ایدن ایکی طلبه نك
طردی حقنده

ط اركك مکتبی طلبه سندن م و ع افندیلر تورکجه معلمی ل بکی اولدوره جکلرندن محضله تهید مکتوبی کوندردکلرندن حقارنده مکتبجه ویریلن قرارک تصدیقنه دائر اورتا تدریسات مدیرلکنک ۳۸۰۵ نومرو و ۳۰ حزیران ۱۹۲۷ تاریخی مذکره وملفوفاتی اوقوندی .

ل بکه ویریلن تهید مکتوبیله معلم نامزدلکنه یاقیشایان حرکاته اجتسار ایتدکاری ثابت اولان م و ع افندیلرک معلم مکبلری تعلیماتنامه سنک ۹۴ نجی ماده سنه توفیقاً مکتبدن قطعاً اخراجلری وبونلره مکتوبی ترتیب ایتمکده یاردیم ایدن ف افندیکنک موقتاً طردینه دائر اولان مکتب انضباط مجلس قراری موافق اولدیغندن تطبیقی خصوصنک لازمکلنلره تبلیغی ضمانتده اوراقلک اورتا تدریساتہ تودیعی قرار کیر اولمشدر . ۹۲۷/۷/۱۰

..

قرار نومردسی : $\frac{۸۲}{۳}$

مخصوصه : ایکی طردموقت جزاسی آلان بر طلبه نك
طرد قطعیمی حقنده

ط اركك معلم مکتب طلبه سندن ف افندی حقنده کی طرد قرارینک تصدیقی ایچون اورتا تدریسات مدیر عمومیلکنک انجمنمزه محول ۳۸۶۶ نومرو و ۱۹۲۷/۷/۳ تاریخی مذکره سی اوقوندی .

ف افندی سنه ابتداسندن بری ایکی تسجیل جزاسی آلدیغی حالده متنبه اولماش کیمیا معلمی وأخیرآده ادبیات معلمی درسخانه ده تحقیرایتمه سی اوزرینه مکتبجه طرد قطعیمسنه قرار ویرلمشدر .

ایکی دفعه اخراج موقت جزاسی آلان مومی الیہک تعلیماتنامه نك ۹۴ نجی ماده سنه توفیقاً اخراجی ضمانتده اوراقلک اورتا تدریسات مدیرلکنه تودیعی قرار کیر اولدی .

۱۹۲۷/۷/۱۰

..

قرار نومردسی : ۸۲

موضوع : فضیلت مکافاتنک فائضنک سرماییه
قلبی حقنده

فضیلت مکافاتی قارشیلنی اولاراق اوقاف مدیریت عمومیه سی نقود موقوفه اداره سنه مودوع نقود موقوفه نك اصلی وفائضی حقنده برقرار اتخاذه دائر مدیریت مذکور نك مذکره سیله سجل و مامورین مدیر لکنک ۹۲۷/۷/۵ تاریخ و ۴۷۷۹ نومرولو درکناری اوقوندی .

فضیلت مکافاتی قارشیلنی اولاراق اوقاف مدیریت عمومیه سی نقود موقوفه اداره سنه مودوع و سرماییه سی ایکی بیک آلتی یوز یتیش لیرادن عبارت بولونان نقود موقوفه نك ۱۹۲۶ سنه سی مارتی ابتداسندن ۹۲۷/۷/۳۱ تاریخنه قادار اون بش آیلق فائضی اولان اوچیوز یتیش آلتی لیرا دوقوز غروشک سرماییه اصلییه قلبی و بوکا دائر معاملاتک سجل و مامورین مدیری خلیل ابراهیم بکک خلقی طرفندن تدویری قرار کیر اولدی .

۱۹۲۷/۷/۱۰

قرار نومردسی : ۸۳

موضوع : کتبخانه لرده مستخدم خدمه لرك
کفالت ابرازینه دائر

بودجه دولایسیله یالکز اوقور بازار خدمه لر معرفتیه اداره اولونان کتبخانه لرده کتاب ضایعاتنه میدان ویرلمه مک اوزره مستخدمینک کفالت نقدیه اراشه سنه تابع طوتوملری حقنده برقرار اتخاذه دائر کتبخانه لر مدیر لکنک ۶۷ نومرو و ۹۲۷/۷/۷ تاریخلی مذکره سی اوقوندی .

میرییه طائد هر نوع اشیایی قبول ایدن حفظ و صرفه ماذون اولانلرك کفالتیه ربطلری کفالت نظامنامه سنک برنجی ماده سی مقتضاسندندر .

قیمت و وارداتی مقدارلرینه کوره مستخدمیندن علی الاصول کفیل اخذ ایدلمسی لازمکله جکی و کیفیتک لازمکن محللره تبلیغی ضممنده اوراقلک کتبخانه لر مدیر لکنه تودیعی قرار کیر اولدی .

۹۲۷/۷/۴

قرار نومردسی : ۸۴

موضوع : کتبخانه خدمه لرینک معارف مدیرلری
طرفندن تعیینی حقنده

امینلکر تعلیماتنامه سنک ۸ نجی ماده سنده حق تعیینی معارف امینلکرینیه بیراقیلان

مأمورین و معلمین میاننده مستخدمین قیدینک بولونمماسی یوزندن اردو معارف مدیرلکی طرفندن ؛ تخصیصاتی موازنه عمومیه دن ویریلن کتبخانهیه تعیین ایدیلن خدمه اجرتنک ؛ محلی دفتردارلغنججه صلاحیتدار بر مقام طرفندن تعیین ایدلمه دیکی ادعاسیله ویرلمه دیکی بیلدیرلدیکندن مسئله حقننده بر قرار اتخاذه دائر کتبخانه لر مدیرلکنک ۵۶ نومرو و ۹۲۷/۶/۲۷ تاریخیه انجمنمزه محول مذکره سی اوقوندی .

اردو دفتردارلغنک تخصیصاتی موازنه عمومیه دن ویریلن کتبخانهیه ؛ معارف مدیری طرفندن تعیین ایدیلن خدمه اجرتی صلاحیتدار بر مقام طرفندن تعیین ایدلمه دیکی ایلری سوروله رک ویرلمه دیکی آ کلاشیلماسی اوزرینه محلی دفتردارلغنه مذکور اجرتک اعطاسی حقننده بر امر ویرلمه سی مالیه وکالتندن رجا ایدلمش و آلتنه جوابی تذکره ده ۷۸۹ نومرولو تشکیلات قانوننک ۲۱ نجی ماده سننده و امیندک لر تعلیماتنامه سنک ۸ نجی مأمورین و معلمین قیدی بولوندیغی حالده مستخدمینک مسکوت کچیلمه سی و بوبابده صراحت کافیه بولونمماسندن دولایی اداره و لایات قانونی موجبجه مستخدمینک بر سابق والیر طرفندن تعیینی لازم کلدیکی بیلدیرلمکده ایسه ده . بونون معاملاتنده ولایتله همان هیچ علاقه وارتباطی بولونمایان کتبخانه خدمه سنک والیر طرفندن تعیینی وکالتجه درپیش اولونان انتظام و اداره نقطه سندن محذورلیدر . هر نه دنسه ۷۸۹ نومرولو قانونک ۲۱ نجی اسکی و امیندک لر تعلیماتنامه سنک ۸ نجی ماده سی شمولی خارجنده قالان بوقیل مستخدمینک اصول و تعامل قدیم موجبجه معارف مدیرلری طرفندن تعیینی معاملات و اداره ده سهولتی مؤدی در . اساساً ۲۸ شباط ۳۳۴ تاریخی شورای دولت قرارنامه سننده بو خصوصه دائر صراحت کافیه موجود اولدیغندن هر زمان سریع تبدل ایدن مستخدمینک ایجابنده معارف مدیرلری طرفندن تعیینی برچوق فوائد و محسناتی مستلزم اوله حقندن آ کا کوره معامله ایفاسی ضمانتده اوراقک کتبخانه لر مدیرلکنه تودیعی قرارگیر اولدی .

۱۹۲۷/۷/۲۷

..

موضوعه : دولت مطبعه سی مأمورین و مستخدمینه ویرلمه جک اکرامیه حقننده

قرار نومردسی : ۸۵

دولت مطبعه سی متداول سرمایه قانوننک صور تطبیقیه سنه طائد تعلیماتنامه نک ۱۲ نجی ماده سی موجبجه مأمورو مستخدمینه اکرامیه اولاراق توزیع ایدیله جک پارایه طائد جدولک

تصديقى حقنده مى تعليم و تربيه رياستك انجمنزده محول ۱۶۳۹ نومرو و ۹۲۷/۷/۳ تاريخلى مذكره وملفوفى اوقوندى .

دولت مطبعهسى متداول سرمايه قانوننك صور تطبيقيه سنى ميين تعليماتنامه نك اون ايكنجى مادهسى موجبجه مطبعه مأمورين و مستخدمينه بر موجب قادرو اكراميه اولارق توزيى ايجاب ايدن حاصلات صافيه نك يوزده اوننك فعاليت و موفقيتلىرى بيلديريلن جدولده اسملىرى محرر مأمورين و مستخدمينه اعطاسى موافقدر . يالكز فى مابعد ويريله جك اكراميه نك مثبت، مدلل اساسلر داخلنده ويريله بيلمهسى ايجون سرمايه اصلى ايله حاصلات صافيه ده آمورتيسمان مقدارينك كار و ضرر حسابنك نه صورتله حساب ايديله جكنه دائر مطبعه مديرلكنجه بر تعليماتنامه نك احضارى الزمدر . كيفيتك محلنه تبليغى ضماننده اوراقل تعليم و تربيه رياسته توديعى قرار كير اولدى . ۹۲۷/۷/۲۷



ولایت انضباط قومیونی قرارری

قرارنومرسی : ۹۹

موضوع : موجب عاروججاب حرکتندن و سرخوشلنی اعتیادندن
دولای بر مملک مسلکدن طردی حقندن

آ اورتامکتب طبیعیه معلی ل بک آده یکی غازیونده غارصون م م ناموسشکن
تجاوزده بولوندینی ادعا ایدلایکندن حقندن برقرار اتخاذه دأثر اورتا تدریسات مدیرلکنک
۳۵۸۷ نومرو و ۱۹۲۷/۶/۱۹ تاریخی مذکره وملفونی اوقوندی .

ل بک ۱۹۲۶/۱۱/۲۴ آقشامی سرخوش اولارق یکی غازیونده غارصون م ک ناموسنه
تجاوز ایتک ایسته دیکنه دأثر وقوعبون اخبار اوزرینه منطقه معارف امینلکی طرفندن محلاً
تحقیقات اجرا ایدلش ونتیجه تحقیقاتده ل بک اوکیجه سرخوش اولارق غارصون م ایله
خلقک نفرتی جلب ایده جک برشکلده منازعه ده بولوندینی ثابت اولمشدر. مسئله نک تنویری
ایچون افاده سنه مراجعت اولنان ذوات ل بک اواقشام ایچدیکنی و آرقاداشلرینک یانندن
آریلاراق آبدست بوزمق بهانه سیله حلایه کیتدیکنی واوراده اپی کورولتودن صوکرألی
یوزی قان ایچنده وکندیسنی تعقیب ایدن غارصون م ک مستهجن الفاظ تحقیریه سنه مخاطب
اولدینی حالده کلدیکنی کوره شلر ومنازعه نک ایلرله مه سنه مانع اولمق ایچون ل بکی اورادن
باشقا برمحله کوتورمشلردر. ل بک افاده سننده سرخوش اولدینی اعتراف ایتمکده ایسه ده
م م تجاوزده بولوندینی ادعاسنی ردوانکار ایتمکده در. شهودک افاده سنه ومومی الیهک تأویلاً
واقع مدافعه سنه کوره ده ل بک سرخوشلنی اثناسنده آبدستخانه آراغنده بو چیرکین
وضعیتی احداث ایده جک بر حرکتده بولوندینی قبول ایتک ضرورتی واردر. محکمه یه
عکس ایدن بو مسئله دولایسیله هر نه قدر برأث قراری آلمش ایسه ده وجدان ومسلک
قارشیسنده متهم بر وضعیتده در. ل بک اولجه بولوندینی صی شهریاتی مکتبی مدیریتندن
بوکامائل بر حادئه ایله عزل اولونماسی آلدینی جزادن متنبه اولمادینی قناعتی تقویه ایتمکده در.
بولوندینی یلرده مختلف فاصله لرله مسلکک شرفیه متناسب اولمایان حالاته اجتناساری وعشرته

انہما کی منسوب اولدینی تدریس و تربیہ مسلکندہ ایفای وظیفہ ایدہمہ بہ جکنہ قوتلی بر
دلیدر. بناء علیہ ل بکک عاروججانی موجب بوحرکتی و سرخوشلنی اعتیادایتمسی دولایسیلہ
مأمورین قانونک اوتوزاوجنجی مادہسنہ توفیقاً مسلکدن اخراجی ضمنندہ اوراقک اورتا
تدریسانجہ کورولدکن صوکر اسجل ومأمورین مدیرلککنہ تودیعی قرارگیر اولدی .

۱۹۲۷/۷/۶

قرارنومردسی : ۱۰۰

موضوع : دیدی قودیچی برہملمک باشقہ
برمحله تحویلی حقندہ

آ برنومرولو مکتب معلمی ب افندینک ؛ حقندہ ایزمیر منطقہسی معارف امینلککنجہ
وریلن جزاء تحویل قرارینہ مدت قانونیہسی ظرفندہ اعتراضایتدیکندن تدقیق وایجابنک
تقریرینہ دائر ایلک تدریسات مدیرلککنک قومیسوئمزہ محول ۳۵۸ نومرو و ۲۷/۶/۲۳
تاریخی مذکرہ ومربوطاتی اوقوندی .

اوراق تحقیقہ مندرجاتہ نظراً ب افندینک اوتہدنبری دیدی قودیجیلق کبی تعلیم
مسلککنہ یاراشمایان فنا برطبیعتلہ الفتی وآرقاداشلرندن معلم ج خانمک ایکی بیک لیرا ویرمک
شرطیلہ ازدواجہ طالب اولدینگی وبونک غزتہ ستونلرندہ نشرایدلدیکنی استخبارایتدیکنی
دیگر معلم آرقاداشلری مواجہہ سندنہ مستہزیانہ برشکلده سویلہمہسی وبواصلسز شایعہنک
مکتب وحتى مملکت محیطندہ ناخوش بر تأثیر یاپدینگی ومعلم خانمک بالضرور شکایتہ مجبور
اولدینی آ کلاشیلمقدہدر.

مومی الہک دیدی قودیجیلق کبی مسلککہ تالیفی قابل اولمایان برحاللہ فی مابعد آ دە دوام
مأموریتی جائز اولامایاجقندن مأمورین قانونک اوتوز بشنجی مادہسی موجبجہ باشقہ بر
محله تحویلی ضمنندہ اوراقک ایلک تدریسات مدیر عمومیلککنہ تودیعی قرارگیر اولمشدر.

۷/۷/۶

قرارنومردسی : ۱۰۱

موضوع : قونیہ موزہسی مدیریتنہ تقدیرنامہ
ارسالی حقندہ

قونیہ موزہسی مدیری یوسف بکک کورولن فوقالعادہ مساعدینہ بناء بر تقدیرنامہ

ایله تلطیفی حقنده سجل و مأمورین مدیر لکنک قومیسونمزه محول ۹۲۷/۶/۲۵ تاریخلی مذکره سی اوقوندی .

یوسف بکک مساعیسی اخیراً قونیهده اجرای تفتیش ایدن سجل و مأمورین مدیری خلیل ابراهیم بکک بالذات مشاهده سیله و وکالته یوسف بکک کوندرمش اولدینی متعدد وثیقه لرله ثابت اولمقده در . کندیسنه تودیع ایدیلن وظیفه یی آرزمانده بویوک بر موفقیتله ایفا ایدن مومی الیهک معارف تشکیلاتنه دائر قانونک اون بشنجی ماده سی موجبنه بر تقدیر نامه ایله تلطیفنک تنسیب وکالتپناهی به عرضی قرار گیر اولدی .

۹۲۷/۷/۶

∴

قرار نومردسی : ۱۰۲

موضوعه : برایک تدریسات مفتشی ایله بر معلمک تحویللری حقنده

آایک تدریسات مفتشی ی و مرکز ارکک نمونه مکتبی معلملرندن ر بککر حقنده بر قرار اتخاذه دائرایک تدریسات مدیر عمومیلکنک ۳۵۷ نومرو و ۹۲۷/۶/۲۶ تاریخلی مذکره سی اوقوندی .

مفتشی ی و معلم ر بککرک معارف تشکیلاتنه دائر قانونک بیرمی ایکنجی ماده سی موجبنه تحویللری ضمننده اوراقک ایلک تدریسات مدیر لکنه تودیی قرار گیر اولدی .

۹۲۷/۷/۶

∴

قرار نومردسی : ۱۰۳

موضوعه : درسلی اوقوتاجق انتدارده بولونمادیغنی اخبار اولونان بر معلمک و مکتبنک تفتیش ایدلمه سی حقنده

ج مکتبی مدیریتنک ۳/ مایس/ ۹۲۷ تاریخلی تحریراتیله ل مکتبی اصول تدریس و تربیه معلمی و بکک درعهده ایتدیکی درسلی اوقوتاییله جک بر سویهده اولمادیغنی و بویوزدن بالضرور درسله دوام ایده مدیکی بیلدیرلدیکندن مومی الیه حقنده بر قرار اتخاذه دائر یوکسک تدریسات مدیر لکنک ۴۸۰ نومرو و ۲۷/۶/۲۸ تاریخلی مذکره سی اوقوندی . موجود اوراق محتویاتی بومسئله حقنده قطعی بر قرار اعطاسنه کافی کلمدیکندن وضعیتک توضیحی ایچون کرک و بکک و کرک مکتبک برسنه درسیه ظرفنده کی فعالیتنک تثبیتی ایچون مفتشی

عمومی مع بکک برای تفتیش ل مکشبه اعزامی کیفیتک تصویب وکالتپناهی به عرضی
قرار کبر اولدی .
۹۲۷/۷/۶

..

موضوع : قونیہ معلم مکتبی مدیریتک تقدیرنامه
ایله تلطیفی حقنده

قرار نومردوسی : ۱۰۴

قونیہ ارکک معلم مکتبی مدیری خالد ضیا بکک فعالیتی اخیراً او منطقه ده اجرای
تفتیشات ایدن سجل و مأمورین مدیری خلیل ابراهیم بکک بالذات مشاهده سی و دائرة
عائده سنک مطالعه سندن آ کلاشیلدیغندن مومی الیهک تلطیفی حقنده برقرار اتخاذینه دائر
سجل و مأمورین مدیرلکنک مذکره سیله اورتا تدریساتک درکناری اوقوندی .

خالد ضیا بکک چوق چالیشقان و موفقیتلی برذات اولدیغی هراییکی دائره نک مطالعاتندن
آ کلاشیلدی . وظیفه سی بویوک بروقوف و درایتله ایفا ایله برابر حیاتی بولوندیغی مؤسسه به
وقف ایدن بو قیمتلی مسلك خادمی معارف تشکیلاتنه دائر قانونک اون بشنجی ماده سی
موجبنجه بر تقدیرنامه ایله تلطیفنک تنسیب وکالتپناهی به عرضی قرار کبر اولدی .

۷/۷/۱۰

..

موضوع : ل مطبعه سی مدیریته جواز استخدام
قراری و بریله سی حقنده

قرار نومردوسی : ۱۰۵

ل سابق مدیری اولوب مطبعه جه ساتیلان کهنه برما کنه نک ساتیشنده کی اصولسز لکدن
دولایی وظیفه سنه نهایت ویریلن مع بکک بو خصوصه دائر جریان ایدن محاکمه نتیجه سنده
برائت ایشدر .

اخیراً ویردیکی استداسیله تاریخ عزلندن اعتباراً جواز استخدام قراری طلبنده
بولوندیغندن تدقیق و ایجابنک تقریرینه دائر تعلیم و تربیه ریاستنک قومیسو نمزه محول مذکره
و مربوطاتی اوقوندی .

(۱۶۲۴ نومردولی و ۹۲۷/۷/۲ ده) مع بکک عندالحاکمه برائت ایتدیکی مربوط محکمه
قرار صورت مصدقه سندن آ کلاشیلاراق تاریخ عزلندن معتبر اولق اوزره معزولیت

معاشی تخصیصی و اولجہ وقوعبولان طلبہ بناء ۱ تشرین اول ۹۲۶ تاریخیدن بالاعتبار
تقاعدہ سوقی ضمنندہ اوراقلک تعلیم و تربیہ ریاستنہ تودیی قرارگیر اولدی .

۱۹۲۷/۷/۱۰

..

مخصوص : عجزی ثابت اولان ہر معلمک
تقاعدہ سوقی حقندہ

قرار نومردسی : ۱۰۶

وظیفہ مأموریتنی سوء استعمال ایدن ، معلمک شرف و حیثیتنی محافظہ ایدہ بیلہ جک
لیاقتی حائز اولمادیغی و تعلیم و تربیہ ایشلرینی قاورایامادیغی مفتش راپورلریلہ ثابت اولان
م قریہ سی باش معلمی ف افندی حقندہ کی امینلکجه متخذ اخراج قراری وایلك تدریسات
مدیرلکنک ۳۸۰ نومرو و ۹۲۷/۷/۳ تاریخیلہ قومیسو نمزہ محول مذکرہ و تفرطانی اوقوندی .
ف افندیکنک فی الحقیقہ وظیفہ مأموریتنی سوء استعمال ایتدیکی ، معلمک وقاریخی
محافظہ ایدہ مدیک تدریساتندن استفادہ ایدیلہ مدیک ثابت اولویور ایسہدہ بونک قانوناً تقابل
ایدہ جکی جزا مسلکدن اخراج دہ کیلدر . مومی الهمک ثابت اولان عجزینہ بناء مأمورین
قانوننک معدل موقت برنجی مادہ سی موجبنجه تقاعدہ سوقی ایجاب ایدہ جکندن حقندہ
امینلکجه متخذ قرار حکمنک رفعیلہ مذکور مادہ موجبنجه تقاعدہ سوقی ضمنندہ
اوراقلک ایلك تدریسات مدیرلکنہ تودیی قرارگیر اولدی .

۱۹۲۷/۷/۱۰

..

مخصوص : اداری ایشلردہ موفق اولامایان ہر
مدیرک معلمکدہ استخدای حقندہ

قرار نومردسی : ۱۰۷

اداری ایشلردہ موفقیت کوسترہ مدیکندن دولایی ج منطقہ سی انضباط قومیسونجه
معلمکدہ استخدای تقرر ایدن ک یاتی مکتبی مدیری نہ بک حقندہ ہر قرار اتخاذینہ
دائر ایلك تدریسات مدیر عمومیلکنک ۳۹۰ نومرو و ۱۹۲۷/۷/۵ تاریخلی مذکرہ
ومربوطاتی اوقوندی .

نہ بک اداری ایشلردہ موفق اولامادیغی مربوط تفتیش راپورندن آ کلاشلدیغندن
معارف تشکیلاتنہ دائر قانونک اون ایکنجی مادہ سی موجبنجه فی مابعد معلمکدہ استخدای
وکیفیتک تبلیغی ضمنندہ اوراقلک ایلك تدریسات مدیر عمومیلکنہ تودیی قرارگیر اولدی .

۱۹۲۷/۷/۱۰

..

قرار نومردسی : ۱۰۸

موضوعه : وظیفه سنده موفق اولامایان بر معارف
مدیرینك تقاعده سوق حقنده

ل معارف مدیری و بکک متعدد تفتیشلار نتیجه سنده وظیفه سنده موفق اولامادیغی
ثابت اولدیغندن مأمورین قانوننك معدل موقت برنجی ماده سی موجبنه تقاعده سوق
ضمننده اوراقك ایلک تدریساتجه کورولدکن صوکر سجله تودیعی قرارگیر اولمشدر .

۱۹۲۷/۷/۱۰

..

قرار نومردسی : ۱۰۹

موضوعه : سنی ایلرله یی بر معارف مدیرینك
تقاعده سوق حقنده

لک معارف مدیری بکک سننك ایلرله سی حسابیه ادارى ایشلرده موفق
اولامایاجنی آ کلاشیلدیغندن مأمورین قانوننك معدل موقت برنجی ماده سی موجبنه
تقاعده سوق قرارگیر اولدی .

۱۹۲۷/۷/۱۰

..

قرار نومردسی : ۱۱۰

موضوعه : عجزی ثابت اولان بر معارف مدیرینك
تقاعده سوق حقنده

ع معارف مدیری ط بکک عجزی امینلکک اشعارندن آ کلاشیلمش و بوندن صوکر
وظیفه ده موفق اولامایاجنه قومیسوئمزجه ده قناعت حاصل اولدیغندن مأمورین قانوننك
معدل موقت برنجی ماده سی موجبنه تقاعده سوق قرارگیر اولمشدر .

۱۹۲۷/۷/۱۰

..

قرار نومردسی : ۱۱۱

موضوعه : یاشی ایلرله میشل اولان بر معارف مدیرینك
تقاعده سوق حقنده

باشنك ایلرله سی حسابیه ادارى ایشلرده و معلملکده موفق اولماسی ممکن اولمایان
غ معارف مدیری و بکک مأمورین قانوننك معدل موقت برنجی ماده سنه توفیقاً تقاعده
سوق قرارگیر اولمشدر . « ایلک تدریساتجه کورولدکن صوکر سجله تودیعی »

۱۹۲۷/۷/۱۰

..

قرار نمردسی : ۱۱۲

مخصوصه : اداری ایشلرده موفق اولامایان بر معارف
مدیرینک معلملکده استخدامی حقنده

شمندی به قدر یاپیلان متعدد تجربه لرله اداری ایشلرده موفق اولامایاجنی قطعاً ثابت
اولان ط معارف مدیری ب بکک اورتامکتبلردن بریسنده مناسب بر معلملکده استخدامی
قرار کیر اولدی .

۱۹۲۷/۷/۱۰

..

قرار نمردسی : ۱۱۳

مخصوصه : بر معارف مدیرینک معلملکده
استخدامی حقنده

و معارف مدیری ل بکک عهده سندن معارف مدیرلکنک نزعيله ۷۸۹ نومرولو
قانونک ۱۲ نجی ماده سی موجبنجه اورتامکتبلرک بریسنده فرانسزجه معلملکنده
استخدامی قرار کیر اولدی .

۱۹۲۷/۷/۱۰

..

قرار نمردسی : ۱۱۴

مخصوصه : بر معارف مدیرینک آرزوسی ایله معلملکنده
استخدامی حقنده

آ معارف مدیری ج بکک آرزوسنه منی عهده سندن معارف مدیرلکنک آلتارق
تشکیلات قانونک ۱۲ نجی ماده سی موجبنجه ریاضیه معلملکنده استخدامی قرار کیر اولدی .

۱۹۲۷/۷/۱۰

..

قرار نمردسی : ۱۱۵

مخصوصه : جاهل و عاجز بر معلمک تقاعده
سوقی حقنده

عجزی و دوام خدمتندن استفاده مأمول اولمادیغندن دولای تقاعده سوقی ایجاب ایدن
ج معلمی ل خاتم حقنده برقرار اتخاذه دائر سجل و مأمورین مدیرلکنک ۴۳۱۱ نومرو
و ۲۷/۷/۱۲ تاریخلی مذکره سی اوقوندی .

ل خانمک تدریساتی ایفا ایدمهجه ک قادر جاهل و اقتدارسز اولدینی و بش سنه قادر
تجربه ایدلیدی حالده بو عجز وجهالتی دولایسیله وظیفه ده موفق اولامادینی ایلمک تدریسات
مفتشلکنک راپوری و امینلکک اخیراً ویردیکی قرارله ثابت اولدیغندن مأمورین قانونک
موقت معدل برنجی ماده سی موجبنجه تقاعده سوقی قرار کیر اولدی .

۱۹۲۷/۷/۱۴

..

مخصوصه : یاشی ایله رهش اولان برکتبخانه مأمورینک
تقاعدده سوقی حقنده

قرار نومردسی : ۱۱۶

ل کتبخانه سی حافظ کتبی ب افندینک تقاعده سوقی حقنده ساجل و مأمورین مدیر لکنک قومیسو نمزه محول ۴۲۹۴ نومرولو و ۹۲۷/۷/۱۲ تاریخلی مذکره سی اوقوندی .
ب افندینک یاشنک ایله ره سی حسیله وظیفه ده موفق اولامادینی وثابت اولان عجزینه بناء ده دوام خدمتدن فائده مأمول اولمادیغندن مأمورین قانوننک معدل موقت برنجی ماده سی موجبنه تقاعده سوقی ضمننده اوراقک ساجل و مأمورین مدیر لکنه تودیعی قرار کیر اولدی .
۱۹۲۷/۷/۱۴

مخصوصه : یاشی ایله رهش برکتبخانه مأمورینک
تقاعدده سوقی حقنده

قرار نومردسی : ۱۱۷

ل کتبخانه سی حافظ کتبی ر افندینک تقاعده سوقی حقنده ساجل و مأمورین مدیر لکنک ۴۲۹۵ نومرولو و ۹۲۷/۷/۱۲ تاریخلی قومیسو نمزه محول مذکره سی اوقوندی .
ر افندینک سننک ایله ره سی حسیله وظیفه سنده موفق اولامادینی کبی عجزی ده تحقق ایتشدر . فی مابعد دوام خدمتده فائده مأمول اولمایان مومی الیهک مأمورین قانوننک معدل موقت برنجی ماده سی موجبنه تقاعده سوقی ضمننده اوراقک ساجل و مأمورین مدیر لکنه تودیعی قرار کیر اولدی .
۱۹۲۷/۷/۱۴

مخصوصه : برکتبخانه مأمورینک تقاعده
سوقی حقنده

قرار نومردسی : ۱۱۸

ل کتبخانه سی حافظ کتبی و افندینک تقاعده سوقی حقنده ساجل و مأمورین مدیر لکنک ۴۲۹۳ نومرو و ۹۲۷/۷/۱۲ تاریخلی مذکره سی اوقوندی .
حافظ کتب و افندینک ساجلی اعتبارینه وجودندن استفاده ایدیه مدیکی کبی عجزی ده تحقق ایله رهش بولونماسنه بناء مأمورین قانوننک معدل موقت برنجی ماده سی موجبنه تقاعده سوقی ضمننده اوراقک ساجل و مأمورین مدیر لکنه تودیعی قرار کیر اولدی .
۱۹۲۷/۷/۱۴

قرار نومردسی : ۱۱۹

مهرصه : جاهل و عاجز بر معلمك تقاعده
سوق حقنده

عجزي و دوام خدمتندن استفاده مأمول بولونماديني ل معارف امينلکندن بيلديريلن
س معلم معاوني ع افندي حقنده بر اتخاذه دائر سجل و مأمورين مديرلککنک ۴۳۱۲
نومرو و ۲۷/۷/۱۲ تاريخلي مذکره و مربوطاتي اوقوندي .

ع افنديک معلومات عموميه سي ، مسلکي بيلکيسي اعتباريله مربی و معلم اولاماياجق
درجه ده جاهل و عاجز اولديني الآن مدرسه ذهنتي طاشيديني ايلک تدریسات مفتشلککنک
راپوريله ثابت اولديغندن مأمورين قانونک معدل موقت برنجي ماده سي موجبجه تقاعده
سوقی ضمننده اوراقلک سجل و مأمورين مديرلککنه توديعي قرار کير اولدي .

۱۹۲۷/۷/۱۴

..

قرار نومردسی : ۱۲۰

مهرصه : عاجز بر معلمك تقاعده
سوق حقنده

عجزي و دوام خدمتندن استفاده مامول بولونماديني ل معارف امينلکندن بيلديريلن
و مرکز ارکک مکتي معلم معاوني ي افنديک تقاعده سوق حقنده برقرار اتخاذه دائر
سجل و مأمورين مديرلککنک قوميسيونمزه محول ۴۳۰۹ نومرو و ۲۷/۷/۱۲ تاريخلي
مذکره و مربوطاتي اوقوندي .

ي افنديک مسلکي هيچ بر وثيقه استناد ايتديرلمکسزين مسلکک داخل اولديني
و تدریسات ايفا ايدمه يه جک قادار عاجز اولديني مفتش راپوريله ثابت اولديغندن مأمورين
قانونک معدل موقت برنجي ماده سي موجبجه تقاعده سوقی ضمننده اوراقلک سجل
و مأمورين مديرلککنه توديعي قرار کير اولمشدر .

۱۹۲۷/۷/۱۴

..

قرار نومردسی : ۱۲۱

عجزي و دوام خدمتندن استفاده ايدمه سي مامول بولونماديني ل معارف امينلکندن
بيلديريلن ب معلم معاوني ر افنديک تقاعده سوق حقنده سجل و مأمورين مديرلککنک
۴۳۱۰ نومرو و ۲۷/۷/۱۲ تاريخلي مذکره و مربوطاتي اوقوندي .

ر افنديك تربيه و تدريس اصولرينه واقف اولماديني و مسن بولونماسي دولاييسييله
يتيشديرلمه سنه امكان بولونماديغندن مامورين قانوننك معدل موقت برنجي ماده سي موجبنجه
تقاعده سوقي ضمننده اوراقل سجل و مامورين مديرلكنه توديعي قراركير اولدي .

۱۹۲۷/۷/۱۴

..

مهمه : بر باش معلمك معلمكده استخدای
و باشقه بر محله نقلی حقنده

قرار نومردسی : ۱۲۲

ص معارف امینلکنجه باش معلمك نقل ایدلش اولان و سابق ایلك تدریسات
مفتشی ت بك حقنده بر قرار اتخاذه دائر ایلك تدریسات مدیرلكنك ۴۱۶ نومرو
و ۹۲۷/۷/۱۱ تاریخلی مذکره و مربوطاتی اوقوندی .

ت بك اوراق آراسنده مربوط فیشنك تدقیقه نظر آ بو وظیفه یی حسن صورتله
ایفا ایدمه یه جی آكلاشیلدیغندن معارف تشکیلاتنه دائر قانونك ۱۲ نجی ماده سی موجبنجه
معلمكده استخدای و ۲۲ نجی ماده سی موجبنجه ده دیگر بر محله نقلی ضمننده اوراقل
ایلك تدریسات مدیر عمومیاكنه توديعي قراركير اولدي .

۱۹۲۷/۷/۱۴

..

مهمه : معارف مدیریتنی اغفال ایدن باش معلمك
معلمك اخطارله تجزیه لری حقنده

قرار نومردسی : ۱۲۳

مکتبه دوام ایتمه دیکی دوقوز کون ایچون استانبول معارف امینلکنجه معاشندن
قسط الیوم اجرا سنه قرار ویریلن ع ناحیه سی معلملرندن نه خانمه طائد اوراق و مومی الیهانك
مدافعه نامه سی ایله ایلك تدریسات مدیرلكنك ۴۱۹ نومرو و ۹۲۷/۷/۱۱ تاریخلی قومیسونمز
محول مذکره سی اوقوندی .

نه خانم ؛ استانبول معارف اداره سنه مراجعتله مکتبه لوازم درسیه آلق اوزره
کلدیکنی وقار ، فورطنه ، دولایيسييله عودت امکاتی بولامادیغنی بیلدیره رك مساعده طلب
ایتمش و معارف اداره سی ده بوامر واقعی بالضرور قبول ایله مك مجبوریتنده قالاراق کنديسنه
مأذونیت ویرمشد . مومی الیهانك مدافعه نامه سنده ده دیشلرینی تداوی ایتدیرمك ایچون
مکتب باش معلمندن برکون مساعده آلوب استانبوله کلدیکنی و یوقاریده کی سبیلر دولایيسييله

بالضرور عودت ایدہ مدیکنی اعتراف ایتمکدہ اولماسنہ نظراً اولکی و معارف اداره سنہ واقع مراجعتیله مدافعه نامہ سنده کی افادہ لرنده بارز بر تضاد وارد ر . فی الحقیقه هوانک مساعده سزلکندن دولایی محل مأموریتنه ، مقبول بر معذرتہ استناداً کیده مدیکی قبول اولنور ایسه ده ؛ آلات درسیه آلمق اوزره کلدیکنی ایلری سورهرک معارف اداره سنی اغفالی شایان عفو ده کیلدر . بو خصوصده باش معلمکده ملحوظ بر مسئولیتدن قورتولمق ایچون مومی الیهانک آلات درسیه مبايعه سنه کیتدیکنی افاده ایلهمسی اغفال حرکتنه اشتراک ایتدیکنی تأیید ایدهر ماهیتده اولدیغندن هرايکيسنکده برر اخطارله تجزیه لری و کیفیتک محله تفهیمی ضمننده اوراقک ایلک تدریسات مدیر عمومیلکنه تودیعی قرار کیر اولدی .

۷/۷/۱۴

مخصوصه : بر معلمک معلمک شرطیله متناسب اولمایان
حرکتکندن دولایی مجبوراً تحویلی حقنده

قرار نومردسی : ۱۲۴

ط منطقه سی معارف امینلکنجه مجوراً تحویل ایدلمش اولان مه معلمی ع افندی حقنده کی اوراق تحقیقیه ایلک تدریسات مدیرلکنک ۴۱۵ نومرو و ۹۲۷/۷/۱۱ تاریخلی مذکره سی اوقوندی .

اوراق تحقیقیه مندرجاتنه نظراً ع افندینک مجبوری تحویلنه سبب طلبه دن صدقه فطر طوپلاماسی و درس وقتنده کندی اوینه طلبه یه اودون کتیرتمه سیدر . بو خصوصلر تأویلاً واقع افاده سیله وضوح کسب ایتمش و امینلک انضباط قومیسوئجه تحویلنه قرار ویرلمشدر . طلبه دن صدقه فطر دی یه طوپلادینی مبالغی تحقیقات اثناسنده طیاره جمعیتنه تودیعی ایتمش و بوضورتله دوشدیکی چیرکین موقعدن قورتولمق ایسته مش ایسه ده ایکنجه بر صوچی اولان طلبه یه اودون کتیرتمک کی مسلکک شرفیله متناسب اولمایان بر حرکتک اسباب مشده عدیله تحویلی بر امر ضروریدر . بناءً علیه امینلکجه متخذ قرارک تصدیق و کیفیتک محله تبلیغی ضمننده اوراقک ایلک تدریسات مدیر عمومیلکنه تودیعی قرار کیر اولدی .

۷/۷/۱۴

مخصوصه : معارف مدیر و مفتشنه سوء استعمال اسناد
ایدن بر معلمک مجبوری تحویلی حقنده

قرار نومردسی : ۱۲۵

یه ایلک ارکاک مکتبی باش معلمی ایکن ت منطقه ، معارف امینلکنجه سه تحویلی تقرر

ایدن ی افندی به عائد اوراق تحقیقیه و معارف مدیری سه و مفتش ر بکه اسناد اولونان
سوء استعمال مسئله سنی احتوا ایدن اوراق ایله ایلك تدریسات مدیرایککنك ۴۱۴ نومرو
و ۹۲۷/۷/۱۱ تاریخیه قومیسوئمز و محول مذکره سی اوقوندی .

اوراقلک تدقیقه کوره ی افندیك اوتهدنبری مزور و مفسد اولدیغی عائله تعلیمیه
آراسنده منفی بررول اوینادیغی کندنجه خوش تلفی ایتمه دیکی کیسه لری حقمنز یره لکله دیکی
آ کلاشلیقه قدده در . منطقه معارف امینلکنك وطنی و ملی ملاحظه لرله کندیسنی سی نه تعیین
ایتدیکنی دویدیغی زمان قانوناً شایان قبول اولمایان اعتراضات در میان ایدیشی ، معارف مدیر
و مفتشی حقنده اساسسز ترور اتده بولونماسی طبیعت و ماهیتنی واضحاً آ کلا تمقدده در . معارف
عائله سی آراسنده هیچ یوقدن ایکیلک احداثه چالیشان مومی الیهك شو حالیه اونقطه ده
قلماسی معلمه سی آراسنده تأسیسی آرزوایدیلان مودتك وجودینه مانع اولدیغندن معارف
تشکیلاتنه دائر قانونك ۲۲ نجی ماده سی موجبنجه صه منطقه سننده استخدامی و کیفیتك محله
تبلیغی ضمننده اوراقك ایلك تدریسات مدیرلکنه تودیعی قوارگیر اولدی .

۱۹۲۷/۷/۱۴

معارف مدیرلکنده استخدامی طلب اولونان
سابق بره معارف مدیرشك تکرار اداری خدمته
آلینما یا جقی حتمده

قرار نومردسی : ۱۲۶

اداری اوصافی ایجاب ایدن معارف مدیرلکی و مکتب مدیرلکی کبی خدمتلرده
قوللانیلما یاراق عزلنه قرار ویریلن اسبق ر معارف مدیری و بک حقنده کی قرارک رفعیه
منحل معارف مدیرلکارندن بریسنده استخدامی خصوصنك بر قراره ربطنه دائر ایلك
تدریسات مدیر عمومیلکنك ۴۱۰ نومرو و ۹۲۷/۷/۱۱ تاریخیه قومیسوئمز و محول مذکره
و مربوطاتی اوقوندی .

و بکک اداری خصوصلرده کی اهلیتسزلکی ثابت اولمش و ۹۲۶/۱/۱۷ تاریخنده برداها
اداره ایشلرنده قوللانیلما مق اوزره عزل اولونمشدر .

قرار سابق حکمنك تغیرینه امکان بولونما دیغنك کندیسنه تفهیمی صمننده اوراقك
ایلك تدریسات مدیر عمومیلکنه تودیعی قرارگیر اولدی .

۱۹۲۷/۷/۱۴

قرار نومردسی : ۱۲۷

موضوعه : عسکرلکدن فرار ایدن و اهلیتسز بر
معلمک مسلکدن اخراجی حقننده

عسکرلکدن فرار ایتدیکندن دولای عسکری جزا قانوننک ۱۲۴ نجی مادهسی موجبنجه بش آی پرانغه بندلکه محکوم اولدیغندن دولای قونیهمعارف امینلکجنجه مسلکدن اخراجی تقرر ایدن و قریهسی معلم معاونی ل بک حقننده بر قرار اتخاذه دائر ایلاک تدریسات مدیرلککنک ۴۳۱ نومرو و ۹۲۷/۷/۱۱ تاریخلی مذکرهسی اوقوندی .

ل افندی استقلال حربی اثناسنده فرار ایتدیکندن دولای عسکری جزا قانوننک ۱۲۴ نجی مادهسنک فقره اخیرهسی موجبنجه بش آی پرانغه بندلاک جزاسنه محکوم اولماسی و عین زمانده مسلکی معلوماتنک قیصه لغندن دولای امینلکجنجه مسلکدن اخراج ایدلمشدر .

اوراقلک تدقیقنه کوره مومی الیهک موجودیت کوسترمیدیکی و عین زمانده سرسری مزاجلی اولدیغی آ کلاشلدیغندن امینلکجنجه متخذ قرارک تصدیقی و کیفیتک تبلیغی ضمننده اوراقلک ایلاک تدریسات مدیرلککنه تودیعی قرارکیر اولدی .

۱۹۲۷/۷/۱۴

∴

قرار نومردسی : ۱۲۸

موضوعه : دوام خدمتندن فائده مأمول اولمایان بر
معارف مدیرنک تقاعده سوق حقننده

دوام خدمتندن بر فائده مأمول اولمادیغی تحقق ایدن نه معارف مدیری م بکک تقاعده سوقی حقننده ایلاک تدریسات مدیر عمومیلککنک ۴۳۸ نومرو و ۹۲۷/۷/۱۴ تاریخلی قومیسوئمه محول مذکره اوقوندی .

متعدد تجربهله رغماً م بکک دوام خدمتندن بر فائده مأمول اولمادیغی تحقق ایتدیکندن مأمورین قانوننک معدل موقت برنجی مادهسی موجبنجه تقاعده سوقی ضمننده اوراقلک ایلاک تدریساتنجه کورولدکن صوکر اسجل و مأمورینه تودیعی قرارکیر اولدی .

۱۹۲۷/۷/۱۶

∴

قرار نومردسی : ۱۲۹

موضوع : ن کتبخانه مدیریت ایشدن ال
چکدیریلر سی حقنده

کتابلری و امور حسابیه سی بک مشوش برحاله کلن نه عمومی کتبخانه سنک تفتیشه
دائر مفتش عمومی و بکک راپوریلر کتبخانه لر مدیر لکنک ۳۹۶ نومرو و ۹۲۷/۷/۲۵
تاریخله قومیسو نمزه محول مذکره سی اوقوندی .

راپور محتویاتنه کوره کتبخانه ده بولونان کتابلرک مضبوط بردفتری اولمادیغی و بیکلرجه
قیمتدار کتابلرک یا کلش اصوللرله پڑمرده و توزلو برحاله کلدیکی . و کتبخانه نك ایچندن
حیقلماز درجه ده مشوش اولدیغی آکلاشیلر مقده در . بعض کتابلر یا کلش نومرولرله مکرراً
آیری دفترله آیری نومرولرله قید اولونمش و قیمتلی کتابلردن برچوغی حقنده ده معلومات
آلنامامشدر . بو سوء استعمال سلسله سنک تمادیسنه سبب بوکون کتبخانه مدیری اولان
و بک اولدیغندن مومی الیهک ایشدن ال چکدیریلرک کتبخانه نك مفتش عمومی و بک
طرفندن تسلیمی کتبخانه معاملاتنه دائر تحقیقاتک تعمیقاً اکالی ایچون مفتش عمومی و
کتبخانه لر مدیری حسن فهمی و محاسبه دن بر میزک کتبخانه یه برای تحقیقات اعزامی
قرار کیر اولدی .

۹۲۷/۷/۲۷

..

قرار نومردسی : ۱۳۰

مقامات رسمیه یی اغفال ایدن
موضوع : بر معلم حقنده

سه اورتا مکتبی تربیه بدنیه معلمی م بک عائله سنی کتیرتمه دیکی حالدیه کتیرمش کی
بیاننامه تنظیمیلر محلی مالدیر لکنندن خرج راه آلمش و بالاخره یاپیلان تحقیقات نتیجه سنده
عائله سنی کتیرمه دیکی ثابت اولمشدر . مومی الیهک شو معاملیه اجتساری مقامات رسمیه یی
اغفال و سخته اوراق تنظیمی کی بر صوچ تشکیل ایتدیکنندن حقنده بر قرار اتخاذه
دائر سجل و مأمورین مدیر لکنک قومیسو نمزه محول ۲۸/مایس/۲۷ تاریخ و ۳۳۸۶ نومرولو
مذکره سی اوقوندی .

بو خصوصه دائر م بکک مدافعه نامه سی ایله جریان وقعه حقنده کی اوراق تحقیقیه
اوقوندی . م بک عائله سنی ۱۸/تشرین/اول ۹۲۷ تاریخنده عشاقه کتیردیکنی ایلری سورهرک
بر بیاننامه تنظیم و مالدیر لکنندن عائله خرج راهی آلمشدر . بالاخره مکتب مدیر لکی

طرفدن عائله سنك ككه ديكى دويولمش و ياپيلان تحقيقاتله استانبول ، ازمير ، آفيون پوليس
مدير لكرينك تذكيره لرى ده بو خصوصى تثبيت ايتشدر . مومى اليه ۱۰ / تشرين اول / ۹۲۷ ده
عائله سنى كتير ديكنى و مشروع بر معذرته مستنداً استانبوله كوندرديكنى ادعا ايديور سه ده
بوادعاسنى توثيق ايده مه مكده در .

محله دن علم و خبر آلاراق ساخته بياننامه تنظيم و عائله سى نامنه امضا وضع ايتمه سى
رسمى مقاماتى اغفالى جزا قانوننك اولبايده كى موادينه نظراً جرم درجه سنده بر صوج
اولديغندن اصولاً مسئله حقنده قرار اعطاسى و نتيجه ده محكمه يه سوقى مأمورين محاكمات
انجمنه طائد بر وظيفه در . مومى اليه ك انهامى موجب احوالنه تثبيت و تقريرندن صوكرا
حقنده مأمورين قانوننك اوتوزدردنجى ماده سى حكى تطبيق اولونا جغندن اورا قك کوتاهيه
ولايتى مأمورين محاكمات انجمنه ارسالى ضمننده سجل و مأمورين مدير لكنه توديعى
قرار كير اولدى .

۹۲۷/۷/۲۷



تعیینات

اولیٰ مأمورین	نمبر تعیین اولمیفی	معاشی غروش
انطالیہ معارف مدیری عادل بك	بور دور اور تام مکتب فرانسر جہ معلم لکنہ	۴۰۰۰
آفیون قرہ حصار معارف مدیری محمد شکری بك	کوتاہیہ امام خطیب مکتبی دین درسلری معلم لکنہ	۴۷۵۰
علی عونى بك	دکنزلی قیز اور تام مکتبی معلم لکنہ مجدداً	۱۷۰۰
محمد مجتبی افندی قیصری معارف مدیری	قاضی کوی قیز اور تام مکتبی ریاضیہ معلم لکنہ	۴۷۵۰
احمد ذکی بك	چناق قلعه اور تام مکتبی رسم معلم لکنہ مجدداً	۱۷۰۰
جواد ممدوح بك	طربزون ارکاک لیسہ سی موسیقی معلم لکنہ مجدداً	۲۵۰۰
غازی عینتاب معارف مدیری حیدر بك	قیصری ارکاک لیسہ سی ریاضیہ معلم لکنہ	۴۷۵۰